

四庫全書

史部

欽定四庫全書

史記索隱卷十

唐司馬貞撰

吳太伯系家第一

系家者系諸侯代系也言其下及子孫常有國故孟子曰陳仲子齊之系

家又董仲舒曰王者封諸侯非官之也得以代為家也

吳太伯

國語曰黃池之會晉定公使謂吳王夫差曰夫命主有命國曰吳伯不曰吳王是吳本伯爵也

按范甯解論語曰太者善大之稱伯者長也周太王之元子故曰太伯稱仲雍季歷皆以字配名則伯亦是字又是爵但其名

弟仲雍

伯仲季是兄弟次第之字若表德之字意義與名相符則系本

史記索隱

史記索隱

曰吳熟哉居蕃離宋忠曰熟哉仲雍字蕃離今吳之餘登也解者云雍是熟食故曰雍字熟哉也

奔荆

蠻號句吳

荆者楚之舊號以州而言之曰荆蠻者闕也南夷之名蠻亦稱越此言自號句吳吳名起

於太伯明以前未有吳號地在楚越之界故稱荆蠻顏師古注漢書以吳言句者夷語發聲猶言於越爾此言號句吳當如顏解而注引宋忠以為地名者系本居篇曰熟哉居蕃離熟始徙句吳宋氏見史記有太伯自號句吳之文遂彌縫解彼云是太伯始所居地名裴氏引之恐非其義蕃離既有其地句吳何總不知貞實吳人不聞別有城邑曾名句吳則系本之文或難依信

仲雍

卒

吳地記曰仲雍冢在吳鄉常熟故夏虛是為虞仲夏

安邑虞都太陽之虞城在安邑南故曰夏虛左傳曰太伯虞仲太王之昭則虞仲是太王之子必也論語稱虞

仲夷逸隱居放言是仲雍稱虞仲今周章之弟亦稱虞仲者蓋周章之弟字仲始封於虞故曰虞仲則仲雍本

字仲而又為虞之始祖故後代子轉譙周古史考云柯轉子頗高

亦稱虞仲所以祖與孫同號也春秋經傳公五年冬古史考子卑古史考以開晉伐虢春秋經傳公五年冬

作頗夢

子卑

古史考云卑軫

以開晉伐虢

春秋經傳公五年冬

年傳曰晉荀息請以屈產之乘與垂棘之璧假道伐虢

宮之奇諫不聽虞公許之且請先伐之遂伐虢滅下陽

五年傳曰晉侯復假道伐虢宮之奇諫不聽以其族行

曰虞不臘矣八月甲午晉侯圍上陽冬十有二月滅虢

師還遂襲太伯至壽夢十九代壽夢是仲雍十九代孫也二年自壽夢已

虞滅之也

下始有其年春秋唯記卒楚之亡大夫申公巫臣左傳

年計二年當成七年也

二年曰巫臣使齊及鄭使介反幣而以夏姬行遂奔晉

七年傳曰子重子反殺巫臣之族而分其室巫臣遺二

欽定四庫全書

史記索隱

子書曰余必使爾罷於奔命以死巫臣使於吳吳子壽夢悅之乃通吳于晉教吳乘車教之戰陳陳教之叛楚寘其子狐庸焉使為行人吳始伐楚伐巢伐徐馬陵之會吳入州來子重子反於是乎一歲七奔命是十六

年

春秋經襄三年楚公子嬰齊帥師伐吳左傳曰楚子重伐吳為簡之師克鳩茲至于衡山也

二十

五年王壽夢卒

襄十二年經曰秋九月吳子乘卒左傳曰壽夢計從成六年至此正二十五年

系本曰吳熟姑徙句吳宋忠曰孰姑壽夢也代謂祝夢乘諸也壽孰音相近姑之言諸也毛詩傳讀姑為諸知熟姑壽夢是一長曰諸樊春秋經書吳子遏左傳稱樊人又名乘也

長曰諸樊

蓋遏是其名諸樊是其號公

羊傳遏

次曰餘祭

左傳曰閭戕戴吳杜預曰戴吳餘祭也又襄二十八年左傳齊慶封奔吳

句餘與之朱方杜預曰句餘吳子夷末也計祭餘以襄二十八年卒則二十八年賜慶封邑不得是夷末且句

餘餘祭或謂是一人夷末唯史記作餘昧左氏及公羊並為餘祭夷末句餘音字各異不得為一或杜氏誤耳

次曰季札

公羊傳曰謁也餘祭也夷末也與季子同母者四人季子弱而才兄弟皆愛之同欲以為

君兄弟遞相為君而致國于季子故謁也死餘祭也立餘祭也死夷末也立夷末也死則國宜之季子季子使而亡焉僚者長庶也即之閭閻曰將從先君之命則國宜之季子也如不從君之命則宜立者我也僚惡得為君乎於是使專諸刺僚史記壽夢四子亦約公羊文但以僚為餘昧子為異耳左氏其文不明服虔用公羊杜預依史記及吳越春秋下注徐廣引系本曰夷昧及僚昧夷光生檢系本今無此語然按左狐庸對趙文子謂夷宋甚德而度其天所啟也此必君之子孫實終之若以僚為末子不應此言又光言我王嗣國是夷昧子且明是

庶子諸樊元年已除喪至乃舍之

皆襄十四年左氏傳文

不義曹

君

成十三年左傳曰曹宣公卒于師曹人使公子負芻守使公子欣時逆喪秋負芻殺其太子而自立杜預

曰皆宣公庶子也負芻成公也欣時子臧也十五年傳

曰會于戚執曹成公也執而歸諸京師諸侯將見子臧

於王而立之子臧曰前志有之曰聖達節杜預曰聖人

應天命不拘常禮也次守節杜預曰謂賢者也下失節

杜預曰愚者妄動也為君非吾節也君子曰丘明所為

雖不能聖敗失守乎遂逃奔宋也

史評仲尼之詞指四年晉平公立左傳襄十年春葬晉

仲尼為君子也悼公平公即位是也

十三年樊卒

春秋經襄二十五年十有二月吳子遏伐楚門于巢卒左傳曰吳子諸樊伐楚以報

舟師之役門于巢巢牛臣曰吳王勇而輕若啟之將親

門我獲射之必殪是君也死疆其少安從之吳子門焉

牛臣隱於短牆封於延陵襄三十一年左傳趙文子問

以射之卒也於屈孤庸曰延州來季子其

果立乎杜預曰延州來季札邑也昭二十七年左傳曰  
吳子使延州來季子聘于上國杜預曰季子本封延陵  
後復封州來故曰延州來成七年左傳曰吳入州來杜  
預曰州來楚邑淮南下蔡縣是昭十三年傳吳滅州來  
二十三年傳吳伐州來則州來本為楚邑吳光伐滅遂  
以封季子也地理志會稽毗陵縣云季札所居太康也  
地理志曰故延陵邑季札所居栗頭有季札祠地理志  
沛郡下蔡縣云古州來國為楚所滅後吳取之至夫差  
遷昭侯於此公羊傳曰季子去之延陵終身不入吳國  
何休曰不入吳朝廷也此云封於延陵謂因而賜之以  
萊邑而杜預春秋釋例土地名則云  
延州來闕不知何故而為此言也  
泱泱於良反泱泱猶汪汪洋  
美盛貌也杜預  
泱泱音馮又音泛杜大而寬左傳作大  
曰和大之聲也  
預曰中庸之聲  
大而寬而婉杜預  
曰婉約也大而約則儉節  
招薊韶簫二字有感感讀為  
易行寬字宜讀為婉也  
體變耳  
憾字省



耳胡象前音朔又素交反則盟主也注引徐廣曰盟一作明按左傳亦作明此以聽聲知

政言其明聽將舍於宿注引左傳曰將舍於戚按太史公欲自為一家事雖出左氏文

耳非盟會也則隨義而換既以舍字替宿遂設宿字下替於戚戚既

是邑名理應不易今宜讀宿為戚戚衛邑孫文子舊所

食而又可以畔乎左傳曰而又何樂此畔字宜讀曰趙樂樂謂所聞鐘聲也畔非其義也

文子名武也韓宣子名起也魏獻子名鍾舒也七年楚公子圍殺

其王今按春秋經襄二十五年吳子遏卒二十九年閔殺吳子餘祭昭十五年吳子夷末卒是餘祭在位

四年餘昧在位七十年系家倒錯二王之年此七年正是餘昧之三年昭元年經曰冬十一月楚子麇卒左傳

曰楚公子圍將聘于鄭未出境聞王有疾而還入問王疾遂縊而殺孫卿曰以冠纓絞之遂殺其子幕及平夏

莫王于邾謂之邾教也

注入棘櫟麻

杜預注彼云皆楚東鄙邑譙國鄴縣東北有棘亭汝陰新

蔡縣東北有櫟亭故解者以

至雩婁

昭五年左傳曰楚子使沈尹射待命

於巢遂啟殛待命於雩婁

餘祭卒

春秋襄二十九年經曰閻殺吳子餘祭左傳曰

吳人伐越獲俘焉以為閻使守舟吳子餘祭觀舟王餘閻以刀殺之公羊傳曰近刑人則輕死之道是也

昧二年楚公子棄疾殺靈王

據春秋即昧之十五年也昭十三年經曰夏四月楚

公子比自晉歸于楚弑其君虔于乾谿楚公子棄疾殺公子比左傳具載以詞繁不錄公子比棄疾皆靈王弟

也比即子干也靈王公子圉也即位後易名為虔棄疾即位後易名熊居是為平王史記以平王遂有楚國故

曰棄疾弑君春秋以子干已為王故曰比殺君彼此各有意義也

王僚二年

計僚元年當昭十六

欽定四庫全書

史記索隱

五

年比一年公子光亡王  
事在昭十七年左傳也

王僚此文以為餘末子公羊傳以為壽夢庶子也

光此文以為諸樊子系本以為夷昧子也

伍子胥來奔左傳昭二十年曰伍員如吳言伐楚

之利於州于杜預曰州于吳子僚也公子光曰是宗為戮而欲反其讐不可從也彼將有他志余姑為之求士

而鄙以待之乃見鱄設諸馬而耕於鄙是謂客禮以接待也拔居巢鍾離昭二十四年經曰冬

吳滅巢左傳曰楚子為舟師以略吳疆沈尹戌曰此行也楚必亡邑不撫人而勞之吳不動而速之吳人踵楚

邊人不備遂滅巢及鍾離乃還也居巢地理志居巢屬廬江鍾離屬九江應劭曰鍾離子之國也初

楚邊邑卑梁氏左傳無其事伍子胥初奔吳至待專諸之事

依左傳即上五年公子光客之是也事合記於五年不應略彼而更具於此也楚平王卒昭二十

十六

年春秋經書云楚子居卒十二諸侯表及左傳合于僚十一年也

十三年春吳

據表及左氏傳

止合有十二年事並見昭二十七年左傳也

燭庸蓋餘

春秋作掩餘史記並作蓋餘義同而字異

或者謂太史公被腐刑不欲言掩也賈逵及杜預及刺客傳皆云二公子王僚母弟而昭二十三年左傳曰光帥右掩餘帥左杜注彼則云掩餘吳王壽夢子又系族譜亦云二公子並壽夢子若依公羊僚為壽夢子則與系族譜合也

專諸勇士

專或作刺左傳作鱗設諸刺客傳曰諸棠邑人也

母老子弱

依王肅解與史記同於理無失服虔杜預見左傳下文云我爾身也以其子為卿遂強解是無若我何猶言我無若是何語不近情過為迂回非也

四月丙子

春秋經唯言夏四月左傳亦云丙子當別有按據不

知出何

謂王僚飲

謂請也本或作請也

夾持鉞

音披劉逵注吳都賦鉞兩刃小刀

詳為

也或讀此為字音偽非也豈詳偽重言耶

七首

劉氏

曰七首短劍也按鹽鐵論以為長尺八寸通俗云其頭類七故曰七首也

二公子降楚楚封

之舒下又伐楚拔舒殺二公子

左傳昭二十七年曰掩餘奔徐燭庸奔鍾吾三

十年經曰吳滅徐徐子奔楚左傳曰吳子使徐人執掩餘使鍾吾人執燭庸二公子奔楚楚子大封而定其徙無封舒之事當是舒

孫武曰

按左氏此年有子胥對耳無孫武事也

六年

取居巢

左傳定二年當為七年四年戰于柘舉吳入郢是也

鞭平王尸

左氏無此事也

果如何

言今欲果敢伐楚可否也

堂谿氏注司馬彪云

按地理志而知

夫差

取番

定六年左傳四月己丑吳太子終累敗楚舟師杜預曰閭閻子夫差兄此以為夫差當謂名異而一

人耳左傳又曰獲潘子臣小惟子及大夫七人楚於是乎遷郢於鄴此言指音潘楚邑名子臣即其邑之大

也夫子相魯

定十年左傳曰夏公會齊侯于祝其夾谷孔丘相犂彌言於齊侯曰孔丘知禮而

無勇是也但杜預以為相會儀也而史遷孔子系家云攝行相事按左氏丘以公退曰士兵之又使茲無還揖

是是肅國

敗之姑蘇

姑蘇臺名在吳縣西三十里左傳定十四年曰越子大敗之靈姑浮以戈

擊闔閭闔閭傷指還卒於陘去槁李七里杜預以為槁李在嘉興縣南靈姑浮越大夫也謂曰對曰

此為以闔閭謂夫差夫差對闔閭左傳則云對曰者夫差對所使之人也

注瀕池

瀕胡貢反水銀以為

池注太伯至夫差二十六世

史記太伯至壽夢十九代諸樊已下六王唯二十五

世大夫伯嚭為太宰

按左傳定四年伯嚭為太宰當闔閭九年非夫差代也

敗越

夫椒

賈逵云越地蓋近得之然其地闕不知所在杜預以為太湖中椒山非戰所夫椒山不得為一且夫

差以報越為志又代越當在越地何乃不離吳境近在太湖中又按越語云敗五湖也

棲於會稽

鳥所止宿曰棲越為吳敗依託於山林故以鳥棲為喻左傳作保國語作棲

大夫種

大夫官也種名

也吳越春秋以為種姓文而劉氏云姓大夫非也

有過氏

過音戈寒泥之子澆所封國也荷姓國晉

地道記曰東萊掖縣有過鄉北有過城古過國也

斟灌斟尋注夏同姓

賈氏據系本而

知也按地理志北海壽光縣應劭曰古斟灌亭是也平壽縣復云故北垓尋禹後今垓城也然垓與斟同注

有仍國名

未知其國所在春秋經桓五年天王使仍叔之子來聘穀梁經傳並作任叔仍任聲相近

或是一地甫呂號郭之類按地理志東平有任縣蓋古仍國

使人誘之

左傳云使女艾諜澆遂滅

過戈杜預  
曰謀侯也

七年敗齊艾陵

七年魯哀公之六年也左傳  
此年無伐齊事哀公十一年

敗齊艾陵

徵百牢

事在哀七年是年當夫差八年不應上  
連七年按左傳曰子服景伯對不聽乃

與之非謂季康子使子貢說得不用百牢  
太宰嚭自別召康子乃使子貢辭之耳

為駟伐魯

左傳

駟作邾聲相近自亂耳杜預注左傳  
亦曰邾今魯國駟縣是也駟宜音邾

十年十一年並伐

齊

依左氏合作十一年十二年也

子胥懼曰是棄吳也

左氏作養也

有顛

越勿遺

左傳曰其顛越不共則剿殄無遺育無俾易種  
于茲邑是商所以興也今君易之此則艾陵戰

時使子胥於齊

左傳直曰使於齊杜預曰私使人至齊  
屬其子按左傳又曰反役王聞之明非

子胥自屬鏹

劍名見越絕書

墓上以梓

左傳云樹吾墓櫨櫨可  
材也吳其亡乎梓櫨相

史記素隱

八



類因變文也

扶吾眼置之吳東門

扶鳥穴反此國語文彼以扶為辟又云以手扶之王

愠曰狐不使大夫得有見乃盛以鴟夷投之江也

齊鮑氏弒悼公

公名陽生左傳哀十年吳

伐齊南鄙齊人殺悼公不言鮑氏又鮑氏以哀八年為悼公所殺今言鮑氏蓋其宗黨耳且此伐在艾陵戰之

前年也今記於後亦為顛倒也

召魯衛會橐臯

哀十二年左傳曰公會吳于橐臯衛侯會吳于

鄆此并言會衛橐臯者按左傳吳徵會于衛初衛殺吳行人懼謀於子羽子羽曰不如止也子木曰往也以本

不欲赴會故魯以夏會衛及秋乃會太史公以其本召於橐臯故不言鄆廣陵縣東南有發縣口橐音他各反

也注遂道

上七巡反下酒尤反

趙鞅怒將伐吳乃長晉定公

此依左傳

文按左傳鞅呼司馬寅曰建鼓整列二臣死之長幼必可知也是趙鞅怒又曰司馬寅請姑視之反曰肉食者

無墨今吳王有墨國其勝乎杜預曰墨氣色下也國為敵所勝又曰太子死乎且夷德輕不忍久請少待之乃先晉人是也徐賈所云據國語不與左傳合非也左氏魯襄公伐晉楚為會先書晉晉有信耳外傳即國語也書有二名也外吳者吳夷賤之

二十年越復吳

哀十九年左傳曰越

人侵楚以誤吳也杜預曰誤吳使不為備也無伐吳事

於甬東

國語曰甬句東越地會稽句章縣東

海中州也按今鄭縣是也

自剄死

左傳曰乃縊越人以歸也

注猶亭卑猶位

按亭亭名

卑猶位三字共為地名吳地記曰徐枕山一名卑猶山是

注堞土

路承反小竹籠以盛土

## 齊太公系家第二

太公望呂尚者

熊周曰姓姜名牙炎帝之裔伯夷之後掌四岳有功封之於呂子孫從其封姓

尚其後也按後文王得之渭濱云吾先君太公望子久矣故號太公望蓋牙是字尚是其名後武王號為師尚

父或封於申地理志在南陽宛縣申伯國也呂亦在宛縣之西也蓋嘗窮困年老

矣譙周云呂望常屠牛非餘徐廣音勅知反伐崇密須

按郡國志在東郡廩丘縣北今曰顧城密須姑姓在誓河南密縣東故密城是也與安定姬姓密國別也

曰蒼兕蒼兕亦有本名作蒼雉按馬融曰蒼兕主舟楫官名又王充曰蒼兕者水獸九頭今誓衆

令急濟故言蒼兕以懼之然羣公奉明水周本紀毛叔鄭奉明水也此文上下並今文泰誓也

衛康叔布采席周本記衛康叔布茲茲是席故此亦云綠席也犁明至國犁音里奚

反犁猶比也一南至穆陵北至無棣舊說穆陵在會稽云犁猶遲也非也按今淮南有

故穆陵門是楚之境無棘在遼西孤竹服虔以為太公受封境界所至不然也蓋言其征伐所至之域也祭

公慈母

系本作廬公慈母譙周亦曰祭公慈也

哀公不辰

系本作不臣譙周亦作不辰宋

忠曰哀公荒淫田游國史作還詩以刺之也

其黨率營丘人

宋忠曰其黨周馬縵人將胡公

於貝水殺之而出自立是為獻公

成公脫

系本及譙周皆作說

魯人以為讓

讓猶責也

八年伐紀

按春秋莊四年紀侯大去其國左傳云違齊難是也

成葵丘

杜預曰臨淄西有地

名葵丘又桓三十五年會諸侯於葵丘當魯僖公九年杜預云陳留外黃縣有葵丘不同者蓋葵丘有兩處杜

意以成葵丘當不遠出齊境故引臨淄縣西之葵丘若三十五年會諸侯於葵丘杜氏又以不合在本國故引

外黃東葵丘為注所以不同爾

遂獵沛丘

左傳作貝丘也

遊雍林

亦有本作雍廩賈逵曰渠

丘大夫左傳云雅廩殺無知杜預曰雅廩齊大夫此云  
遊雅林雅林人嘗有怨無知遂襲殺之蓋以雅林為名  
其地有人殺無知賈言渠丘大夫笙瀆賈逵云魯地勾  
者渠丘邑名雅林為渠丘大夫也  
本作華瀆笙聲相近莘如字瀆音豆論語作  
溝瀆蓋後代聲轉而字異故諸文不同爾也  
設輕重魚

鹽之利

按管子有理人輕重之法七篇輕重謂錢也又有捕魚煮鹽法也

二年伐滅郟

徐廣曰一作譚據春秋魯莊十年齊師滅譚是也杜預  
曰譚國在濟南平陵縣西南然此郟乃東海郟縣不當  
作譚  
城楚丘賈逵曰楚丘衛城地杜預曰在方城以為  
字也濟陰武成縣南即今之衛南縣

城

按地理志葉縣南有長城號曰方城則杜預韋昭說為得而服氏云在漢南未知有何憑據

離枝

孤竹

離枝音零支又令祇又如字離枝孤竹皆古國名  
秦以離枝為縣故地理志遼西令支縣有孤竹城

爾雅曰孤竹北戶西王母曰下謂之西荒也

**徐姬**

按系本徐嬴姓禮婦人稱國及姓今言此徐姬者然

姬是衆妾之總故漢祿秩令云姬妾數百婦人亦總稱姬姬亦未必盡是姓也

**生無詭**

左傳作無虧也

**雍巫有寵**

賈逵曰以雍巫為易牙未知何據按管子有崇巫恐與雍巫是一人也

**丙戎**

左傳

曰邠作邠職也

**庸職**

左傳曰作閭職此言庸職不同者傳所云閭姓職名也此言庸職庸非姓蓋謂受顧

織之妻史意不同字則異耳

**魯大夫如晉**

成二年左傳魯臧宣叔衛孫桓子如晉皆主於却克

是**合靡笄下**

靡如字靡笄山名在濟南與代地唐笄山不同也

**令齊東敵**

隴敵東行

則齊車馬東向行馬也

**欲尊王晉景公**

王助按張衡曰禮諸侯朝天子執玉既授而反之若

諸侯自相朝則不授玉齊頃公戰敗朝晉而授玉是欲尊晉侯為王太史公探其旨而言今按此文不云授玉

王氏之說復何所依聊記異耳

中行獻子

荀偃祖林父也為中行氏也

上太行

入孟門

孟門山在朝歌東北太行山在河內溫縣西

陪臣爭趣

左傳作扞趣此為爭趣者

是太史公變左氏之文言陪臣但爭趣投有淫者耳更不知他命也

崔杼母歸

母音無也

犁且

即餘反即犁彌也

芮姬生子荼

左傳曰鬻如之子荼嬖則荼母姓如比芮姬不同也譙周依左

氏作鬻如鄒誕生本芮姁音五句反也

公子壽

一作嘉

駒黔

三人奔衛

公子馭

左傳

鉅陽生

二人奔魯凡五公子也

伐魯取謹闡

二邑名謹在今博城縣西南杜預曰闡在

東平剛

監止有寵

監左傳作闡音苦濫反闡在東平須昌縣東南也

御鞅言簡

公

鞅名也為僕御之官故曰御鞅亦田氏之族按系本陳桓子無字產子亶亶產子獻獻產鞅也

四乘

如公

服虔曰成子凡弟八人二人共乘一車故四乘按系本東僖子乞產成子常簡子齒宣子其夷穆子

安稟立子尚暨茲子芒盈惠子得凡七人杜預又取昭子莊以充八人之數按系本昭子將來是桓子之子成

子之叔父又不名莊強相證會言四乘有八人耳今按

田完系家云田常兄弟四人如公宮與此事同今此唯

稱四乘不言人數知四乘謂兄弟四人乘車而八非二

人共車也然其昆弟三人不見者蓋時或不在不同入

公宮不可強以四乘為八人添

叔父為兄弟之數服杜殊失也

徐州  
音舒其字從人左氏作舒舒陳氏邑

說文作郕

郕在莘縣

公驚  
系本及譙周皆

齊安平以東  
安平齊邑按地理志

涿郡有安

田會及廩丘  
田會齊大夫廩邑東郡有廩丘縣也

平縣也

### 魯周公系家第三



周公

周地名在岐山之陽本太王所居後以為周公之萊邑故曰周公即今之扶風雍東北故周城是也

謚曰周文公見國語

旦為子孝

鄒誕本孝作敬也

負子之責

尚書曰負為丕今此為負

者謂三王負於上天之責故我

在強葆

強葆即襦襦古字少假借用也

異母同穎

尚書曰異畝此母義通鄰誕本同

嘉天子之命

徐廣云一作魯魯字誤也

今書序作旅史記嘉天子命於文亦得何須作嘉旅

不敢訓周公

按尚書作誚讓也此作訓字誤

耳義無所通徐氏合定其本何須云一作誚也

自周至豐

周鎬京也豐文王所作邑後武王都鎬於

豐立丈王廟按豐在鄠縣東臨豐水東去鎬二十五里也

周公犇楚

經典無文其事或別有所出而

譙周云秦既燔書時人欲言金縢之事失其本末乃云成王少時病周公禱河欲代王死藏祝策于府成王用

事人讒周公周公奔楚成王發府見策其祖甲孔安國以爲湯

乃迎周公又與蒙恬傳同事或然也

孫大甲馬融鄭玄以爲武丁子帝甲按紀年太甲唯得十二年此云祖甲享國三十三年知祖甲是帝甲明矣

周公卒秋未穫據尚書武王崩後有此雷風異今此言

書當不然也蓋由史遷不見古文尚書故說乖誤子伯禽是爲魯公周公元子

次子留相王室代爲周公其餘食平易近民言爲政簡

小國者六人蔣凡邢茅胙祭也

附近之近作盼誓尚書作費徐廣云一作鮮一作獮按

謂親近也

今字異義亦變也鮮獮也言於盼地誓衆自行獮田之

禮以取鮮獸而祭故字或作鮮或作獮孔安國云費魯

東郊地名即魯鄉

季氏之費邑地也

考公酋酋系本作就湯公熙一作怡

郟誕本作道

考公弟

史記索隱

十三

幽公宰

系本名園

弟潰是為魏公

系本潰作弗音沸魏作微且古書多用魏字作微則

太史公意亦不殊也

厲公擢

系本作翟音持角反也

真公湏

真音慎本亦多作慎公按衛亦

有真侯可通也漢系本作摯或作翼匹位反鄒誕本慎公喚

惠公弗湏

系本作弗皇年表作弗生

長庶子息

隱公也系本隱公名息姑

為息娶宋女惠公奪而妻之

左傳

宋武公生仲子仲子手中有為魯夫人文故歸魯生桓公今此云惠公奪息而自妻又經傳不言惠公無道左

傳文見分明不知太史公何據而為此說譙周亦深不信然

生子允

徐廣且作軌系本亦作軌也

子開立是為湣公

系本名啟方今作開避漢景帝諱春秋作閔公也

以屍與之

本亦作見孟女即左傳云孟任黨氏二女死字也

釐公元年

湣公

弟名申成季相之魯國理  
魯人為僖公作魯頌也  
以汶陽鄆封季友  
賈逵云魯二邑鄆或

作費同秘音按費在汶水之北則汶陽非邑賈言二邑  
非也按地理志東海費縣班固云魯季氏邑蓋尚書費

誓即高梁晉地在平陽縣西北齊女為哀姜  
此哀非諡蓋以哭而過市國人哀之謂之

哀姜故生稱哀與  
上桓夫人別也  
生子倭人唯反一作倭音同魯諱之  
謂不書其葬唯言公

如晉是諱以相三君  
宣公成公襄公注三家各征其一  
征謂起徒役也武子為三

軍故一卿主一  
軍之征賦也  
太子卒  
左傳曰毀敬歸之子野立三月卒也入魯問禮  
齊系

家亦然左  
傳無其事  
齊歸之子稠  
系本作稠又徐廣云一作紹音紹也穆叔  
魯大夫叔孫豹

也宣伯喬  
如之弟也  
臧昭伯弟會  
系本臧會臧頃伯也宣叔許之孫與昭伯賜為從父昆弟也

叔孫昭子

名嫋即穆叔子

子家駒

魯大夫仲孫氏之族名駒諡懿伯也

邱昭伯

按

本昭伯名惡魯孝公之後稱厚氏也

高邕子將粟

系本子將上有貨字即梁丘據也邕音紇齊臣

也左傳子將作子猶

東門遂

系本作述鄒誕本作秫又系本遂產子家歸父及昭子子嬰也

遇孟

武伯於街

有本作衛者非也左傳於孟氏之衢

子將立是為哀公

系本將作蔣也

子顯立是為穆公

系本顯作不衍

平公叔

系本作旅

子屯立

作論反

子

遷立

遷音偃也

文公賈

系本作潘公鄒誕本亦同仍云系家或作文公

徐州在魯東

按說文邾邾之下邑在魯東又郡國志曰魯國薛縣六國時曰徐州又紀年云梁惠王三十一年下邳遷于薛故名徐州則徐與邾並音舒

遷于下邑

下邑謂國外之小邑或有本作下邑然魯有下邑所以惑

也  
頃公卒于柯

按春秋齊代魯柯而盟杜預云柯齊邑今濟北東柯也

斷斷如也

斷音魚斤反讀如論語閭閻如也言魯道雖微而洙泗之間尚閭閻如也鄒誕生亦音銀又作斷斷如尚書則

斷斷是專一之義徐廣又引地理志音五難反云斷斷是鬪爭之貌故繁欽遂行賦云涉洙泗而飲馬兮恥少

長之斷斷是也按下文云至于揖讓之禮則從矣魯尚有揖讓之風如論語音閭為得

史記索隱卷十

欽定四庫全書

史記索隱卷十一

唐 司馬貞 撰

燕召公系家第四

召公

召者畿內萊地爽始食於召故曰召公或說者以召為文王受命取岐周故墟周召地分爵二公故詩

有周召二南言皆在岐山之陽故言南後王封之北燕在今幽州薊縣故城是也亦以元子就封而次子留周

室代為召公至宣王時召康公虎其後也九世至惠侯並國史先失也夫自

不言屬唯昭王父子有名鄭侯立按謚法無鄭宣侯譙益在戰國時旁見他說耳鄭或名是名周



曰系本謂燕自宣侯已下皆父子相傳無及故系家桓侯已下並不言屬以其難明故也按今系本無燕代系宋忠依太史公書以補其闕尋徐廣作音尚引系本蓋近始散佚耳

莊公十六年與宋衛

共伐周

燕周云據左氏燕與衛伐周惠王乃是南燕姑姓系家以為南燕伯故著史考云北燕是姑姓

耳今按左氏莊十九年衛師伐周二十年齊伐山戎傳云執燕仲父三十年齊伐山戎傳曰謀伐戎以其病燕故也據傳文及此記元是北燕不疑杜君妄說仲父是南燕伯是北燕之大夫且燕衛俱是姬姓故有代周納王之事若是姑姓燕與衛伐周則鄭何以獨伐燕而不伐衛乎

惠侯

燕四十二代有二惠侯二僖侯二宣侯三桓侯二文侯蓋國

桓公十六年

燕周云系家襄伯史微失本諡故重耳

檢史記並有桓公立十六年又宋忠據此史補系家亦有桓公是允南所見本異則是燕有三桓公也

惠

公懼奔齊

春秋昭三年北燕伯款奔齊至六年又云齊伐北燕一與此文合左傳無納款之文而云

將納簡公晏子曰燕君不入矣齊遂受賂而還與此乖而又以款為簡公簡公去惠公已五代則與春秋經傳不相協未寵姬宋

宋其名也或作宗劉氏云其父兄為執政故諸大夫共滅之

簡公

十二年卒獻公立

王劭按紀年簡公後次孝公無獻公然紀年之書多是偽謬聊記異耳

孝公十二年韓趙滅智伯

按紀年智伯滅在成公二年

成公立十六

年

按紀年成公名載

湣公三十一年卒三晉列為諸侯

按紀年作文公

二十四年卒簡公立十三年而三晉命邑為諸侯與此不同

僖公三十年卒

紀年作簡公四

十五年卒妄也按上簡公生獻公是

敗齊于林營

林營地名一云林地名於林地立營故曰林營

次定四庫全書

史記索隱

二

文公十九年

系本已上文公為閔公則潘與閔同而上惠公之父又諡文公

十年燕君

為王

君即易王也言君初以十年即稱王也上言易王者易諡也後追書諡耳

蘇代為齊使

於燕

按戰國策曰子之使蘇代侍質子於齊齊使代報燕是也

鹿毛壽

按徐廣一作厖毛故春秋

後語亦作厖毛壽又韓子作潘壽

子之大重

大重謂尊貴也

禹薦益已

按以已配益則

益已足伯益而經傳無其文未知所由

以啟人為吏

人猶臣也謂以啟臣為益吏

而吏

無非天子人者

此人亦訓臣也

而効之子之

按鄭玄効成也以印呈與子之

顧

為臣

顧猶反也言嚮反為子之臣也有本作願者非

恫恐

恫音通痛也恐懼也

此文武之

時不可失也

謂如武王成文王之業伐紂之時然此語與孟子不同也

王令章子

按孟

子云章五都即齊也按臨淄是五都之一也將五都之兵北地之衆  
即齊

之北邊也二年而燕人共立太子平按上文太子平謀攻子

太子相子之皆死紀年又云子之殺公子平今此又云立太子平是為燕昭王則年表紀年為謬也而趙系家云武靈王聞燕亂召公子職於韓立以為燕王使樂池送之裝駟亦以此系家無趙送公子職之事當是遙立職而送之事竟不就則昭王名平非職明矣進退參詳是年表既誤而紀年因之而妄說耳唯獨聊

莒即墨按餘篇及戰國策並無耶惠王七年卒按趙系家惠文王二

公孫操弑其王樂資以為即惠王也徐廣按年表是年燕武成王元年武成即惠王子則惠王為成安君弑明矣此不言者燕遠諱不今王喜  
今王猶今上也有作令者非也按謚無令也

栗腹攻鄒

鄒氏音火各反一音昊

卿秦攻代

戰國策曰燕頗以二萬遇栗腹於鄒樂

乘以五萬遇爰秦於代燕人大敗不同也

將渠

人名姓也一云上卿秦及此將渠者卿將皆官也秦渠名

也國史變文而書遂失姓也戰國策云爰秦爰是姓也卿是其官耳

五而伐一

謂以五人而伐一人

以處和

謂欲令人處之使和也

龐煖

音況遠反

督亢地圖

徐廣云涿有督亢亭地理

志屬廣陽然督亢之田在燕東甚良沃欲獻秦故畫其圖而獻焉

內措齊晉

措交雜也又作錯劉

氏云爭陌反

## 管蔡系家第五

封叔武於成

按春秋隱五年衛師入邲杜預曰東平剛父縣有邲鄉即此成又地理志廩丘縣南

有成故城應劭云武王封弟季載於成  
是古之成邑應仲遠誤云季載封耳  
封叔處於霍春秋

閔元年晉滅霍地理志河東彘縣  
霍太山在東北是霍叔之所封  
康叔封孔安國曰康

關叔字也  
冉季載冉國也載名也季字也冉或作邶按

季之國也莊十八年楚武王克權遷於邶處杜云邶  
處楚地南郡編縣有邶口城邶與邶皆音奴甘反  
皆

有馴行如字音巡  
康叔為周司寇冉季為司空事見定

傳為魯卿士按尚書云蔡仲克庸祇德周公以為卿士

伯禽居魯乃是七年致政之後此言乃說  
居攝政之初未知史遷何憑而有斯言也  
餘五叔皆就

封管叔蔡叔成  
嫁其弟弟女弟即  
司徒招或作昭或作

平侯

宋忠曰平侯徙下蔡今系家無者近脫耳

昭侯遷于州來

州來在淮南下蔡縣

誅

賊利

利賊名也

後陳滅三十三年

魯哀十七年滅陳其楚滅蔡又在滅陳之後三十三年

年即在春秋之後

曹叔振鐸系家

按上文叔振鐸其後為曹有系家言則曹亦合題系家今

附管蔡之末而出者蓋以曹微小而少事迹因附管蔡之末不別題篇且又管雖無後仍是曹之兄故題管而略曹也

惠伯兕立

按注引孫檢未詳何代或云齊人亦恐其人不注史記今以王儉七志阮季緒

七錄竝無又不知是裴駙所錄否

宣公疆立

按左傳宣公名廬

弟負芻立三年

晉虜成公

按左傳晉厲公執負芻歸于京師晉立宣公

非吾節也遂奔宋曹人請晉晉謂子臧曰反國吾歸而君子臧反晉於是歸負芻

莊公夕姑上音

亦即射姑也同音亦聲公野隱公通按譙周云春秋無其事今檢

謚靜公實無聲公蓋是彼文自疎無離曹禍離即罹乃背晉于宋干謂

言曹因棄晉而犯宋遂致滅也注以小加大加陵也小即曹也太史公

曰已下檢諸本或無此論

## 陳杞系家第六

商均為封國按商均所封虞即今之梁國虞城是也夏后之時或失或續

按夏代猶封虞思虞遂是也遏父為周陶正遏父遂之後陶正官名生滿媯滿封

之陳左傳曰武王以元女太姬配正月甲戌己丑桓公



鮑卒

陳亂故再赴其日

桓公弟他殺五父及太子免是為厲公

譙周曰春秋傳謂他即五父與此違者此以他為厲公太子免弟躍為利公而左傳以厲公名躍他立未踰年無諡故蔡人殺陳他又莊二十二年傳云陳厲公蔡出也故蔡人殺五父而立之則他與五父俱為蔡人所殺其事不異是一人明矣史記既以他為厲公遂以躍為利公尋厲利聲相近遂誤以他為厲公五父為別人是太史公錯耳班固又以厲公躍為桓公弟又誤而重一言謂申叔時之語少姬生偃按昭八年經云陳侯之弟招殺陳世子偃師左傳陳哀公元妃鄭姬生悼太子偃師今此云兩姬又分偃師為二人亦恐此非殺陳使者即司徒招也一作莒也自幕至于瞽瞍按賈逵以幕為虞思非也左傳言自幕至瞽瞍知幕舜重之以明德重音持用反按

在瞽瞍之前必非虞思明矣

舜重之以明德

杜預以為舜有明德乃至遂有國義亦然也且又云自  
幕至瞽瞍無違命既云舜重之以明德是言舜有明德

為天子也又云殷封至於遂杜預以遂為殷封舜後之  
遂代守之亦舜德也

忠云虞思之後箕伯直柄中  
衰殷湯封遂於陳以祀舜  
空籍五歲矣  
惠公探取哀  
公死楚陳滅

之後年為元年故今空籍五歲矣一  
云籍借也謂借失國之後年為五年  
取胡沈  
系本云胡  
歸姓沈姬

姓沈國在汝南平  
與胡亦在汝南  
子越為潛公  
按在傳潛公名周  
孔子  
是史官記不同

在陳  
按孔子以魯定公十四年適陳當陳潛公之六年  
上文說是此十三年孔子仍在陳凡經八年何其

久  
杞東樓公  
杞國名也東樓公號謚也不名者史先失  
耳宋忠曰杞今陳留雍丘縣故地理志云

雍丘縣故杞國周武王封禹後為東樓公是也蓋周封  
杞而居雍丘至春秋時杞已遷東國故左氏隱四年傳

云莒人伐杞取牟婁牟婁曹東邑也僖十四年傳云杞遷綠陵地理志北海有營陵淳于公之縣臣瓚云即春秋綠陵淳于公所都之邑又州國名杞後改國曰州而稱淳于公故春秋桓五年經云州公如曹傳公淳于公如曹然杞後代又稱子者以微小又僻居東夷故襄二十九年經稱杞子來盟傳曰書曰子賤之是也謀

娶公

娶音子史反

注一作謀

音

子德公立

系本及譙周竝作惠公又云惠公生

成公及桓公是此系家脫成公一代故云弟桓公姑容立非也且成公又見春秋經傳故左傳莊二十五年云杞成公娶魯女有婚姻之好至僖二十二年卒始赴而書左傳云成公也未同盟故不書名是杞有成公必當如譙周孝公音蓋平公音鬱一作郁釐譙周云名郁來所說音名平公鬱音鬱郁釐來並聲相近遂不同哀公闕路闕音過哀公殺兄湣公而或封蓼六本

作英六皆通然蓼六皆咎繇之後也據系本二國皆偃  
姓故春秋文五年左傳云楚人滅六臧文仲聞六與蓼  
滅曰臯陶庭堅不祀忽諸杜預曰蓼與六皆咎繇後地  
理志云六安故國臯陶後偃姓為楚所滅又僖十七年  
齊人徐人伐英氏杜預又曰英六皆臯陶後國伯翳之  
名是有英蓼實未能詳或者英後改號曰蓼也

後為秦

秦祖伯翳解者以翳益則一人今言十一人叙  
伯翳而又別言垂益則是二人也且按舜本紀

叙十人無翳而有彭祖彭祖亦墳典不載未知太史公  
意如何只恐誤然據秦本紀叙翳之功云佐舜馴調鳥  
獸與舜典命益作虞若予上下草木鳥獸

五人之後皆

至帝王

舜禹身為帝王其稷契  
及翳則後代為帝王也  
滕薛騶滕不知本封蓋  
軒轅氏子有滕

姓是其祖也後周封文王子錯叔繡於滕故宋忠云今  
沛國公丘是滕國也薛奚仲之後任姓蓋夏殷所封故

春秋有滕侯薛侯邾曹姓之國陸終氏之子會人之後  
邾國今魯鄒縣是也然三國微小春秋時亦預盟蓋史  
缺無可叙列也

江黃胡沈

按系本江黃二國並嬴姓又  
地理志江國在汝南安陽縣

### 衛康叔系家第七

衛康叔

康畿內國名宋忠曰康叔從康徙封衛  
即殷墟定昌之地畿內之康不知所在

欲攻

成周

成周洛陽其時周公相成王營洛邑猶居西周  
京管蔡欲搆難先攻成周於是周公東居洛邑伐

管蔡武庚未集

集猶和也

居河淇故商墟

宋忠曰今定昌也

康叔卒子

康伯立

系本康伯名髡宋忠曰即王孫牟也事周康王  
為大夫按左傳所稱王孫牟父是也牟髡聲相

近故不同耳譙周古史考無康伯而云子牟伯立  
蓋以不宜父子俱謚康故因其名曰子牟伯也

康伯

立

系本作

貞伯立

系伯作

項侯厚賂周

按康誥稱命爾侯于東土又云

孟侯朕其弟小子封則康叔初封為侯也此子康伯即稱伯者謂方伯之伯非至子即降爵為伯也故孔安國

曰孟長也五侯之長謂方伯州牧也故五代孫祖恒為方伯耳至頃侯德衰不監諸侯乃從本爵而稱侯非是

至子即削爵及頃侯賂夷王而稱侯也

恭伯入釐侯羨

音延延墓道又音以戰反恭伯名餘

也武公和

殺恭伯代立此說蓋非也按季札美康叔武公之德又國語稱武公年九十五矣猶箴成

於國恭恪于朝倚几有誦至于沒身謂之獻聖又詩著衛世子恭伯早卒不云被殺若武公殺兄而立豈可以

為訓而刑之國史乎蓋太史公探雜說而為此記耳

齊女子之

子之謂養之為子也齊女即莊姜也

詩碩人篇

陳女

戴嬌也子桓公完為州吁所煞戴嬌歸陳詩燕燕于飛之篇是於濮遠

曰濮陳地按濮水首受河又受汴汴亦受河東北至離  
派分為二俱東北至鉅野入濟則濮在曹衛之間賈言

陳地非也若據地理志陳留封輕賦平罪輕賦稅平斷  
丘縣濮水受沛當言陳留水也刑也平或作

卒卒謂士卒也字連成公出奔遂出奔陳按左傳衛  
下讀亦一家之義楚侯聞楚師

敗懼出奔私於周王鳩賂之也衛君瑕出奔元咺所立  
遂適陳是

殺之故僖三十年經云衛殺其大夫齊郕歆弑其君與左  
夫元咺及公子瑕此言奔非也大

氏同而齊系家作郕戎者蓋郕鄆掌御戎車二子怒如  
故號郕戎郕音衲歆亦作鄆其君莊公也

宿左傳作戚此定公弟秋左傳作剽古今人表作焱蓋  
亦音戚也音相亂字易改耳音方遙反

又匹見戎州左傳曰戎州人攻之是也隱二年公會戎  
妙反于潛杜預云陳留濟陽縣東南有戎城濟

陽與衛相近故莊公登臺望見戎州又  
七年云戎伐凡伯于楚丘是戎近衛  
莊公出奔

按左傳莊

公本由晉趙氏納之立而背晉晉伐衛衛人出莊公立  
公子般師晉師退莊公復入般師出奔初公登城見戎

州已氏之妻髮好髡之以為夫人髡又欲剪戎州兼逐  
石圃故石圃攻莊公莊公懼踰北牆折股入已氏已氏

殺之今系家不言莊公復入及死已氏直云出奔亦其  
疎也又左傳云衛復立般師齊伐衛立公子起執般師

明年衛石圃逐其君起起奔齊出  
公輒復歸是左氏詳而系家略也  
衛石專曼逐其君起

左傳作石圃此作塿音圃又音徒  
和反塿或作專諸本或無曼字  
出公輒立二十一年

按出公初立十三年亡在外四年復入九年卒是  
立二十一年自即位至卒凡經二十四年而卒  
悼公

黔立五年  
按紀年云四年卒  
敬公弗立  
系本弗  
子昭公

于越系本名虔

作費



糾立

系本云敬公生  
繞公舟非也

公子適

音的按系本適  
作虔虔悼公也

聲公訓

訓亦

作馴同休運反  
系本作聖公馳

成侯遨

音速系本作不逝按上穆公已  
名遨不可成侯更名則系本是

成侯十一年公孫鞅入秦

按秦本紀云孝公元年鞅入  
秦又按年表成侯與秦孝公

同年然則十一年  
當為元年字誤耳

子嗣君立

按樂資據紀年以  
嗣君即孝襄侯也

魏東地

魏都大梁濮陽黎陽並是魏  
之東地故立郡名東郡也

元君十四年更徙衛野王

按年表元君十一年秦置東郡  
十三年衛徙野王與此不同也

# 宋微子系家第八

微子開者

按尚書微子之命篇云命微子啟  
代殷後今此名開者避漢景帝諱

殷帝乙之

首子而帝紂之庶兄也

按尚書亦以為殷王元子而是紂之兄按呂氏春秋云生微子

時母猶為妾及為妃而生

滅仇國

仇音耆耆即黎也鄒誕本云鬲音黎孔安

國云黎在上黨東北即今之黎亭是也

殷其典喪

尚書典作淪篆字變易其義亦殊徐廣曰典國

典也喪音息浪反

我其發出往

往尚書作狂蓋亦今文尚書意異耳

陋淫

尚書作穰竊劉

氏云陋淫猶輕穢也

箕子者紂親戚

箕國子爵也司馬彪曰箕子名胥餘馬融王肅以箕子為

紂之諸父服虔杜預以為紂之庶兄杜預云梁國蒙縣有箕子冢

象箸

持略反按下云為象箸必為玉

杯杯箸事相近周禮六樽有犧象壺泰箸箸地無足是也劉氏音直慮反則杯箸亦食用之物亦竝通

肉

袒面縛

肉袒者袒而露肉也面縛者縛手於背而向者也劉氏云面即背也義亦稍迂

內友

內當為變變和也沈漸尚書作沈潛此作漸日涕音亦尚書作

氣駱驛亦連續今此文作日霧音蒙然蒙與霧亦通注一曰涕

被徐廣所見本涕作涕日舒依字讀按下有日急注未亂未亂未

音楚因水為名也近婦人婦人之性漸漸今

之狀音子庶反又依字讀微仲衍按家語微子弟仲思

為宋公雖遷爵易位而班級不過其故故以舊官宋公

稽譙周云未公子鮒祀徐云一本作祀譙周亦作鮒祀

何何讓不受宋地賁星如雨與雨階也按僖十六年

也六鷁退飛過宋都是當襄公之時訪內史叔興曰君將得諸侯而不終也然莊七年傳又云恒星不見夜中星實如雨與雨偕也且與雨偕下自在別年不與實石退鷁之事同此史以實石為實星遂連恒星不見之時與雨偕為文故與鹿上之盟杜預云汝陰有鹿原縣按汝陰鹿原其地在楚僖二

左傳小不同也十一年宋人楚人齊人盟于鹿上是也然襄公始求諸侯於楚楚纔許之計未合至汝陰鹿上據今濟陰乘氏縣北有鹿城取鄭二姬謂鄭大夫芊氏姜氏之女既是鄭氏故云二姬是年重

耳過襄公以傷泓按春秋戰于泓在僖二十三年重耳過宋及襄公卒在二十四年今此文

以重耳過與傷泓共歲故云是年又重耳過與襄公卒共是一歲則不合更云十四年是進退俱不合於左氏蓋太史公昭公四年敗緣斯長丘徐廣曰魯系家云宋武公之代獲緣斯於

長丘今云此時未詳者春秋文公十一年魯敗翟于鹹獲長狄緣斯於長丘齊系家惠公二年長翟來王子城父攻然之此並取左傳之說載於諸國系家今考其年歲亦頗相協而魯系家云武公此杵臼當亦謚武也若武然前代雖已有武公此杵臼當亦謚武也若將不然豈下五系公子特為君又合謚昭乎

景公昭

公父紂

左傳名周

公子特

昭公也左傳作德

殺太子而自立

按左傳景公無

子取元公庶曾孫德及啟畜于公宮及景公卒先立啟後立德是為昭公與此說乖未知太史公據何而為此

說

景公頭曼

音萬

公子禘秦

音端

悼公購由立

悼公昭公子也昭公立四

十七年表云四十年購音古候反

悼公八年卒

按紀年為十八年子辟公辟兵

立

按紀年云作桓侯璧兵則璧兵謚桓也又莊子云桓侯行未出城門其前驅呼辟蒙人止之後為狂也司

馬彪云呼辟使人避道蒙人以桓侯名辟而前驅呼辟故為狂也

子剔成立

王勣按紀年云宋易

城野廢其君辟而自立也

君偃自立為王

戰國策呂氏春秋以偃謚曰康王也

桀宋晉

康地記言其似桀也

春秋譏宋之亂自宣公廢太子而立弟國以

不寧者十代

按春秋公羊有此說左氏則無譏焉

大夫正考父美之故追

道契湯高宗殷所以興作商頌

按裴駟引韓詩商頌章句亦美襄公非也今按


毛詩商頌序云正考父於周之太師得商頌十二篇以那為首國語亦同此說今五篇存皆是商家祭祀樂章

非考父追作也又考父佐戴武宣則在襄公前且百許歲安得述而美之斯謬說耳傷中國闕禮

義褒之也

襄公臨大事不忘大禮而君子或以為多且傷中國之亂闕禮義之史遂不嘉宋襄之盛

德故太史公襲而述之故云襲之也



史記索隱卷十一

欽定四庫全書

史部  
史記索隱卷十二至

詳校官侍講學士臣法式善

洗馬臣王坦修覆勘

總校官編修臣王燕緒

校對官編修臣王允中

謄錄監生臣白登雲



欽定四庫全書

史記索隱卷十二

唐司馬貞撰

晉系家第九

晉唐叔虞

按太叔以夢及手文而名曰虞至成王誅唐之後因戲削桐而封之叔字也故曰唐叔虞

而唐有晉水至于變改其國號曰晉侯然晉初封於唐故稱晉唐叔虞也且唐本堯後封在夏墟而都於鄂鄂

今在大夏是也及成王滅唐之後乃分徙之於許武侯

寧族

系本作曼期諱周作曼旗也

厲侯福

系本作輻馬

獻侯

系本及譙周皆作蘇

穆

侯弗王

鄒誕本作弗生或作潰王並音祕

曲沃

河東之縣名漢武改曰聞喜

翼

晉都

也自孝侯已下一號翼侯

子鯀

音時戰反又音善又音陟

子都

系本

平陽絳邑縣東翼城是也

而 he 本亦

先晉穆侯

晉有兩穆侯言先以別後

櫟

櫟鄭邑今河南陽翟是也故鄭之十

邑有櫟

始都絳

春秋莊二十六年傅士蒍城絳是也杜預曰今平陽絳邑縣應劭曰絳水西南

也

滅霍

按永安縣西南汾水西有霍城古霍國有霍水出霍太山

滅魏

地理志河東北縣古魏國

地記亦以為然服虔云在蒲坂非

滅耿

杜預曰平陽皮氏縣東南有耿鄉地記又曰皮氏縣汾水南耿

城是耿國服虔云

殊自失

太子之行如此妾則見君欲廢而恨之今乃自以恨為失

三國皆姬姓也

也奔新城

國語云申生乃雉於新城廟韋昭居二日左云曲沃也新為太子城故曰新城傳

云六日 **齧桑** 裴氏云左傳作采桑按今平陽曲南七十  
不同 里河水有采桑津是晉境服虔云翟地亦

頗相近然字作齧桑 東至河內 河內河曲 弟生悼子 左  
齧桑衛地恐非也

作卓子音恥角 反弟女弟也 君弟母會 弟但 使死者復生 謂荀息受  
公命而立

奚齊雖復身死不背生 生者不慙 言生者見荀息不背  
時之命是死者復生也 君命而死不為之羞

慙也 太子更喪矣 更作也更喪謂改喪 汾陽之邑 桀國語  
言後十四年晉不昌 命里克

汾陽之田百萬命丕鄭以負蔡之 呂省 左傳作 邾稱冀  
田七十萬今此不言亦其疏略也 呂甥

芮 三子晉 惠公禮倨 禮倨謂受玉惰也 韓原 在馮翊夏  
大夫 事見僖十一年 陽北二十

里今之韓 馬驚 竹二反謂馬重 輅秦穆 服虔云輅迎也  
城縣是 而陷之於泥 音五嫁反鄒誕

云五  
額反

翟伐咎如

赤狄之別種也隗姓也咎音高鄒誕本作囡如又云或作囡

長女妻

重耳

左傳伐厲咎如獲二女以叔隗妻趙衰公子取季隗隗生伯儵叔劉則叔隗長季隗少而不同也

履鞮

即左傳之勃鞮亦曰寺人披

可用與

音余諸本或為興興起也非翟可用興起故奔之

犁二十五年

犁猶比也

國禮禮重耳

以國君之禮禮之也

適諸侯禮

上音

敵

且言何以易之

子玉請熊重耳楚成王不許言人出言不可輕易之

河伯視之

視猶見也

郇城

音荀即文王之子所封又音環

王城

杜預云馮翊臨晉縣東有故王城今名武鄉城

五蛇為輔

龍喻重耳五蛇即五臣孤偃趙衰魏武子司空季子及子推也舊云五臣有先軫顓頊今

恐二人非其數

秦軍河上

晉地也

患之

晉若攻楚則傷楚子送其秦之德又欲釋宋不救

乃虧宋公贈馬之惠  
進退有難是以患之  
其勢宜釋宋  
楚初得曹又新婚于衛今晉執曹伯而分

曹衛之地於宋則楚  
急曹衛其勢宜釋宋  
宋公  
成公王臣  
齊將  
國歸父  
秦將  
小子  
踐

土  
杜預云踐土鄭地然據此文晉師還至衛雍衛雍在河南故劉氏云踐土在河南下文踐土在河北今元

城縣西有踐土  
驛義或然也  
王若曰父義和  
按尚書文侯之命是平王命晉文侯仇之語今

此文乃襄王命文公重耳之事代數懸隔勲策全乖太史公雖復彌縫左氏而系家頗亦時有疎謬裴氏集解亦引孔馬之注而都不言時代乖角何習迷而同醉也然計平王至襄王為七代仇重耳為十一代而十三侯又平王元年至魯僖二十八年當襄二十年為一百三十餘歲矣學者頗合討論之而劉伯莊以為蓋天子命晉同此一王庭  
服虔云王庭是踐土者據二十八年五月辭尤非也  
月公會晉侯盟于踐土又此上文四月

甲午作王宮于踐土王庭即王宮也

朝王于踐土

按左氏傳五月盟于踐土冬會諸侯于溫天王

狩于河陽壬申公朝于王所此文亦說冬朝于王當合於河陽溫地不合取五月踐土之文

先穀將

右行

左傳屠擊將右行與此異

疑大夫帥

據左傳荀林父竝是卿而云大夫帥者非也不置佐

者當避天子也或新置三行官未備耳

乃間令使

使謂燭武

東道交

交猶好也諸本

及左傳皆作主

取晉汪以歸

按左傳文二年秦孟明視伐晉報般之役無取晉汪之事又其年冬

晉先且居等伐秦取汪彭衙而還則汪是秦邑止可晉伐秦取之豈得秦伐晉而取汪也或者晉先取秦今伐

晉而收汪是汪從晉來故曰取晉而歸也彭衙在郃陽北汪不知所在

取晉之郛

徐云年表曰徵

然按文十年左傳春晉人伐秦取少梁夏秦伯伐晉取北徵北徵即年表之徵今云郛者字誤也徵音懲亦馮

翊之  
縣名  
項王崩公卿爭權  
按春秋魯文十二年項王崩周公闕與王孫蘇爭政故不赴是

以車八百乘平周亂  
文十四年傳又云晉趙盾以諸侯之師八百乘納捷菑于邾不克乃

還而周公閱與王孫蘇訟于晉趙宣子平王室而復之則以車八百乘自是宣子納邾捷菑不闕王室之事但

文相連耳多  
示眯明  
鄒誕云示眯為祁彌也即左傳之提彌明也捷音市移反劉氏亦音

祁為時移反則祁提二字同音也而此史記作示者示即周禮古本地神曰祇皆作示字此為祁者蓋由祇提

音相近字遂變為祁也眯音米移反以眯為彌亦音相近耳又左氏桑下餓人是靈輒也其示眯明是嗾焚者

也其人鬪而死即今  
三行  
如先縱足用反又本作噉又作蹴同素后反  
為

殺易  
以鼓  
虜秦將赤  
赤即斥謂斥候之人也按宣八年左傳晉伐秦獲謀殺諸絳市蓋彼

謀即此赤也晉成公六年伐魯取隆劉氏音隆即龍也魯北有龍山又此

年當魯成二年經或書齊侯伐我北鄙傳曰圍龍又鄒誕及別本作傾字傾當作鄆文十二年季孫行父帥師

城諸及鄆注曰傾即鄆也字變中行桓子荀林父也蕭桐姪

子左傳作荀騅音佳謚鄆陵偃又音宦者奪之宦者孟張也

我櫟音歷釋例云靡下徐云靡一作歷劉氏音眉綺反即靡笄毋幾為君

幾音冀謂望也會諸侯於雞澤六卿強韓趙魏范中行及智氏為六卿初韓趙魏為三卿而

分晉政故中行寅荀偃之范吉射音亦范獻子士鞅之子以伐四

卿時趙魏韓共滅范氏及中行氏而分出公鑿十七年



年表云十八年也

智伯乃立昭公曾孫驕是為哀公

按趙系家云驕是為

懿公又年表云出公十八年次哀公忌二年次懿公驕十七年紀年又云出公二十三年奔楚乃立昭公之孫是為敬公系本亦云昭公生桓子雍雍生忌忌生懿公然晉趙系家及年表各不同何況紀年之說也

公四年趙襄子韓康子魏桓子共殺智伯并其地

如紀年之

說此乃出公二十二年事

十五年魏文侯初立

按紀年魏文侯初立在敬公十八年幽

公之時晉畏

畏懼也為衰弱故反朝韓魏也宋忠引此注系本而畏字為衰

盜殺幽公

紀年云夫人秦嬴賊公於高寢之上

幽公子止是為烈公

系本云幽公生烈公止又年表

云魏誅幽公立其弟止

子孝公頎立

系本云孝公頎紀年以孝公為桓公故韓子有晉桓侯

十七年孝公卒

紀年云桓公二十年趙成侯韓共侯遷桓公於屯留已後更無晉事

子靜

公俱酒立

系本云靜公俱

靜公二年魏武侯韓哀侯趙敬侯滅

晉後三分其地

按紀年魏武侯以桓公十九年卒韓哀侯趙敬侯竝以桓公十五年卒又趙系

家烈侯十六年與韓分晉封晉君端氏其後十年肅侯遷晉君於屯留

### 楚系家第十

卷章

名老童故系本云老童生重黎

重黎

重氏黎氏二官代司天地重為木正黎為火正按左氏傳

少昊氏之子曰重顓頊氏之子曰黎今以重黎為一人仍是顓頊之子孫者劉氏云少昊氏之後曰重顓頊氏之後曰重黎對彼重則單稱黎若自言當家則稱重黎故楚及司馬氏皆重黎之後非闕少昊之重愚謂此解

為居火正

此重黎為火正彼少昊氏之後重自為木正知此重黎即彼之黎也

陸終生子

六人

系本云娶鬼方氏妹曰女嬃

長曰昆吾

系本云其一曰樊是為昆吾又曰昆吾者衛是

宋忠曰昆吾國名已姓所出左傳曰衛侯夢見被髮登昆吾之觀按今濮陽城中有昆吾臺

二曰參

胡

系本云二曰惠連是為參胡參胡者韓是宋忠曰參胡國名斯姓無後

三曰彭祖

系本云三

曰錢是為彭祖彭祖者彭城是虞翻云名翦為彭姓封於大彭

四曰會人

系本云四曰求言是為鄒

人鄒人者鄭是宋忠曰求言名也姁姓所出鄒國也

五曰曹姓

系本云五曰安是為曹姓曹姓邾是

宋忠云安名也曹姓者諸曹所出

六曰季連芊姓

系本云六曰季連是為芊姓季連者楚是

宋忠曰季連名也芊姓所出楚之先芊音彌是反芊羊聲也

附沮

才敘反

熊黹

一作黹音土感

反黥音與黥與

熊楊

鄒誕本作熊  
錫一作楊

楊粵

有本作楊  
吁地名也今音

越譙周亦

長子康勾亶王

系本康作  
庸亶作祖

注江陵

地理志云  
南郡之縣

也楚文王自

中子紅為鄂王

有本作藝  
從下文熊摯紅讀也占史

考及鄒氏劉氏等

音無藝經恐非也  
少子執疵為越章王

系本無執  
字越作就

子熊

摯紅立

如此史意即上鄂王紅也譙周以為熊渠卒子  
熊翔立卒長子摯有疾少子熊延立此云摯紅

卒其弟熊而自立曰熊延欲會此代系則翔亦毋庸之  
弟元嗣熊渠者毋庸既早亡摯紅立而被延熊故史考

言摯有疾而

季徇

句俊反

叔堪

一作湛

熊疆

音鄂亦  
作罽

熊坎

苦感

反一作菌

熊胸

徐音舜按玉篇在口部顧氏云楚之先  
即蚡冒也劉音舜其近代本即有字從

目者劉  
舜音非

是為蚡冒

古本蚡作粉音憤冒音亡北反或亡報反

杜敖

上音側狀反

成

王惲

紉粉反左傳作願紉貧反

伐黃

汝南弋陽縣故黃國

滅夔

譙周作滅歸歸即夔之地名歸

鄉寵姬

姬當作妹

願有進隱

隱謂隱藏其意

邠

按周書邠維北山名音甲邠謂田厚

廟故以

二十年圍宋以其殺楚使也

左傳魯宣公十二年楚子伐蕭蕭人

囚楚相宜僚王曰勿殺吾退蕭人殺之是殺楚使也

子員立

音雲左傳作麇

析父封曰

左

氏此是右尹子革之詞此蓋誤也

僂越大夫常壽過

僂辱也

殺蔡大夫觀

起

音官觀姓起名

起子從

音松

費無忌

左傳作極極忌聲相近

楚恐城郢

去

已城郢今又重言據左氏昭二十三年城郢二十四年無重城郢之文是史記誤也

吳三公子

昭三

十年二公子奔楚公子掩餘奔徐公

伏師開塗

開塗即攢塗也

子燭庸奔鍾離此言三公子非也

故下云惠王後即罷榆關

此榆關當在大梁之西也

蜀伐楚取茲方

茲方地

扞關

按郡國志巴郡魚復縣有扞關

盼子必用矣

盼則嬰之同族

復搏

其士卒

搏音亦有作附讀戰國策作整

得八邑

古本作八邑今亦作八城

襄陵

縣名在河

東此國冠之上

音官今尹乃尹中最尊故以國為言猶如卿子冠軍然

而大王和

之

和謂楚與齊相和親

注商於在今順陽

按地理志丹水及商屬弘農今言順陽者是魏

晉始分置順陽郡

兩國之兵必至

兩國韓魏也

是我亡於秦

謂失商於之地

與秦戰丹陽

北丹陽在漢中

秦破韓宜陽

弘農之縣在澠池西南

昭睢

七余反

墓在平陽

非堯都也

秦武遂去之七十里

亦非河間之縣

則韓之平陽秦之武遂並當在宜陽左右

二十六年齊湣王

按下文始言二十四年又更有

二十六年則此錯云二十六年衍字也當是二十年事又徐廣推校二十年取武遂二十三年歸武遂則此必二十年二

十一年事乎

咸陽

古扶風渭城縣故咸陽城也在

趙主父

主字

亦或作王

騏鴈

騏音其小鴈也

羅驚

呂靜音驚鄒亦音盧動反劉音龍驚小鳥

青首

亦小鳥有

青首者

騏費

鄒祕二音

見鳥六雙

以喻下文秦趙等十二國故曰六雙

朝昔之樂

昔猶夕也

還患

音謂

射國

音

磬

作磬音番

石傅弋

附音

射噉鳥於東

海

噉音畫謂大鳥之有鉤喙者以比齊也

還蓋長城以為防

上還音患謂遠也蓋者覆

也言射者環遠蓋覆使無飛走之路因以長城為防者徐以蓋為益縣非也長城當在濟南顧據午

道顧反也午道當在齊西界一從一橫為午道亦未詳其處北達言齊晉既伏收燕不難也三國

布弶亦作翅同式豉反二國齊趙燕也擊趙而顧病顧猶反也膺擊韓魏謂韓

魏當秦之前故云膺擊俗本作鷹非垂頭中國垂頭猶申頸也言欲吞山東然共主臣

世君共主世君俱是周自謂也共主言周為天下共所宗主也世君言周室代代君於天下塞駟

魯之心駟魯有禮義之國今楚欲結怨兩周而奪九鼎是塞鄒魯之心其兵利身謂虎以爪

牙為兵而自利於防身也必萬於虎矣攻易而利大也居三代之傳器謂九鼎也

吞三翮六翼翮亦作翮同音厯三翮六翼亦謂九鼎空足曰翮六翼即六耳翼近耳傍事具爾雅



夷陵

陵名後為縣屬南郡

熊元

左傳作完

至新中

按趙地無名新中者中字誤鉅鹿有新市

疑中當為市

斲

機斲音

幾

斲音

孫檢

裴注頻引孫檢不知其人本末蓋齊人

# 越王勾踐系家第十一

二十餘世至允常

按越在蠻夷少康之後地遠國小春秋之初未通上國國史既微略無世

系故紀年稱為粵子據此文勾踐平吳之後周元王始命為伯後遂僭而稱王

勾踐

按紀年云晉出公十

年十一月於粵勾踐卒是筴執

越敗吳於檣李

事在左傳魯定公十四年

敗之夫椒

符焦二音木又作湫音酒小反賈逵云地名杜預云太湖中椒山也按國語云敗之五湖則椒山為得敗夫椒

在哀公元年

保棲於會稽

鄒誕云保山曰棲猶鳥棲於木以避害也故六韜曰軍處山之高者

則曰大夫種大夫官種名也一曰大夫姓持滿者與天

與與天天與也言持滿不定傾者與人人主有定傾之節

事者以地國語以作與此作以亦與義也言地能財成萬物人主宜節用以法地故地與之韋昭等

解恐行成於吳成者平也求間行紀開反間乃以美女

寶罷國語云越飾美女二人必有當也言悉五千人觸戰或有能當吳

兵者故國語作耦耦亦相當對之名又下云逢同逢姓

故楚有填撫鎮音柘稽越大夫也國疥癰介音敗之艾陵

在魯哀十一年虜齊高國國惠子而父而汝也父立若若亦取

吾眼置吳東門

國語云吳王惛曰孤不使大夫得見乃盛以鷁夷投之于江也

於黃池

在哀十

太子留守

據左氏傳太子名友

習流二千人

虞書云流宥五刑按流放

之罪人使之習戰任

教士四萬人

謂常所教練之兵也故孔子曰以不教民

戰是謂棄

君子六千人

謂君所子養有恩惠者又按左氏楚沈尹戌帥都君子以濟師

之是也

杜預云都君子謂都邑之土有復

諸御千人

諸御謂御

除者國語王以私卒君子六千人

任軍職

不且得罪

虞翻注蓋依國語之文今望此文謂使者宜速去不且得罪於越義亦通

君百家

國語云與之夫婦三百是也

王鼫與立

鼫音石與音餘按紀年云於粵子勾踐卒

是莢孰次鹿郢立六年卒樂

子王不壽立

紀年云不壽立十年見殺

資云越語謂鹿郢為鼫與也

是為盲姑

子王翁立

紀年於粵子朱勾三十四年滅滕次朱勾立三十五年滅鄒三十七年朱勾卒

王翳卒子王之侯立

紀年云翳三十三年遷于吳三十

十月粵殺諸咎粵滑吳人立孚錯枝復君明年大夫寺區定粵亂立初無餘之十二年寺區弟思賦殺其君芥

安次無顓無顓八年薨是莢燭卯故莊子云越人三弑其君子搜患之逃於丹穴不肯出越人薰之艾葉乘以

王興樂資云號曰無顓蓋無顓後之侯卒子王無疆立乃次無疆也則王之侯即無餘也

蓋無顓之弟也音其良反試兵南陽

此南陽在齊之南界莒之西

田文所封邑郟故郟國二邑皆齊之南地商於枿

四邑並屬南陽

邑名胡姓之宗因以名邑杜預云汝陰縣北有故胡城是

夏路以左

徐氏以為江夏非也劉氏云楚

適諸夏路出方城人向北行以西  
**是目論也**  
言越王知

為左故云夏路以左其意為得也  
**復讎龐長沙**  
劉氏云復

自覺越之過猶人眼能見毫毛  
**復讎龐長沙**  
者發語之

而自不見其賤故謂之目論也  
**復讎龐長沙**  
聲非也言發語聲者文勢然也則是脫沉字耳讎當作

聲非也言發語聲者文勢然也則是脫沉字耳讎當作  
**楚威王無疆北**  
當為竟陵澤言竟陵之山澤出材木故

楚有七澤蓋其一也合上文為四邑也  
**楚威王無疆北**  
破齊於徐州按紀年魯子無顓臾後十年楚伐徐州遂

後紀年不  
**表會稽山以奉邑**  
無楚敗越殺無疆之語是無疆為無顓之

得錄也  
**表會稽山以奉邑**  
國語云乃環會稽三百里

反  
**鴟夷子皮**  
范蠡自謂也蓋以吳王殺子胥而盛以鴟

革囊也或曰  
**莊生**  
據其時代非莊周也然驗其行事

生牛皮也  
**莊生**  
非子休而誰能信任於楚王乎

史記索隱

士

鄭系家第十二

友初封於鄭

鄭縣名屬京兆秦武公十一年初縣杜鄭是也又系本云桓公居械林徙拾宋忠云

械林與拾皆舊地名是封桓公乃名為鄭耳至秦之縣鄭蓋是鄭武公東徙新鄭之後其舊鄭乃是故都故秦

始縣

幽王以為司徒

韋昭據國語以幽王八年為司徒也

虢鄆之君貪而

好利

鄭語云虢叔恃勢鄆仲恃險皆有驕侈又加以貪冒是也虢叔文王弟鄆姁姓之國也

欲居

西方何如

國語曰公曰謝西之九州何如韋昭云謝伯之國謝西有九州五州為鄉其說異耳

封叔虞於唐

唐者古國堯之後其君曰叔虞何以知然者據此系家下文云唐人之季代曰唐叔

虞當武王邑姜方動大叔夢天命而子曰虞與之唐及生有文在手曰虞遂以名之及成王滅唐而國太叔故

因以稱唐叔虞故杜預亦曰取唐君之名是也

**果獻十邑**

國語云太史伯曰若克二邑鄢蔽補丹依

野時歷華君之土也虞

**武公掘突**

也譙周云名寔滑皆非也蓋古史失其名太

史公循舊失而妄記之耳何以知其然者按下文其孫

昭公名忽厲公名突豈有孫與祖同名乎當時舊史雜

記昭厲忽寔之名遂誤以掘突為武公之字耳

**鄭侵周地取禾**

隱二年左傳鄭武公莊公為平

王卿士王貳於虢及王崩周人將畀虢公政夏四月鄭祭足帥師取溫之麥及成周之禾是

**始朝周**

**桓王**

杜預曰桓王即位周鄭交惡至是始朝故言始也左傳又曰周桓公言於王曰我周之東遷晉鄭焉

依善鄭以勸來者懼猶不競況不禮焉鄭不來矣

**與魯易枋許田**

許田近許之田魯朝宿之

邑枋者鄭所受助祭太山之湯沐邑鄭以天子不能巡守故以枋易許田各從其近

**莊公與祭仲**

左傳稱祭仲足蓋祭是邑其人名仲字仲足故傳云祭封人仲足是也此繻葛之戰在魯桓公五年高渠

彌

一作彌一作眯並名卑反

祝瞻

左傳作祝聃

三公子皆君也

此文則數太子忽及

爰子疊為三而杜預云不數太子以子突子疊子儀為三蓋得

厲公出居邊邑櫟

宋忠曰今

潁川之陽翟縣按櫟音歷即鄭初得十邑之歷也

煞其大夫單伯

依左傳作檀伯檀伯鄭守

櫟大夫事在桓十五年此文誤為單伯者蓋亦有所因也按魯莊公十四年厲公自櫟侵鄭事與周單伯會齊

師伐宋相連故誤耳

公子嬰

左傳以此云嬰蓋別有所見

甫

左傳作傅瑕此本多

假借亦依字讀

伯父原

左傳謂之原繁

周惠王弟頹伐王

惠王莊王孫僖王子子頹

王后姚所生事在莊十九年

文公踧立

音在接反系本云文公徙鄭宋忠云即新鄭

鄭伐



滑

信二十四年左傳鄭公子士泄堵俞彌帥師伐滑

襄王使伯黼

音服左傳王使伯服游孫

伯如鄭請滑杜預云二子周大夫知伯黼即伯服也

不賜厲公爵祿

此言爵祿與左氏說異左

傳云鄭伯享王王以后之盤鎡與之執公請罷王予之爵則爵酒罷是太史公與丘明說別也

公怒漑

音蔬左傳作瑕

悼公潰

劉音秘鄒本一作沸一作費扶味反

鄆公

許弟踰公遜

反

兄繻

音須鄒氏云一作繻音訓

子惲

紆粉反左傳作髡原

定公入敬王于周

避弟子

朝之亂

史記索隱卷十二

欽定四庫全書

史記索隱卷十三

唐 司馬貞 撰

趙系家第十三

季勝生孟增是為宅臯狼

按如此說是名孟增號宅臯狼而徐廣云或曰臯狼地名

在河西按地理志臯狼是西河郡之縣名蓋取驥之乘

孟增幸於成王成王居之於臯狼故云臯狼取驥之乘

匹

言造父取八駿品其色齊其力使馴調也竝四曰乘竝兩曰匹

見西王母

穆天子傳曰穆王與

西王母觴於瑤池之上作歌是樂而忘歸也譙周不信此事而云余嘗聞之代俗以東西陰陽所出入宗其神

謂之王父母或曰地  
名在西域有何見乎  
攻徐偃王譙周曰徐偃王與楚文王同時去周王遠矣且

王者行有周衛豈聞亂而獨長駢  
日行千里乎竝言此事非實也  
五世生趙夙夙生共

共生孟孟生衰系本云公明生共孟及趙夙夙生成季衰衰生宣孟盾在左傳云趙夙弟而此

系家云共孟生衰譙周亦以此為誤耳賜趙夙耿杜預曰耿今河東趙衰皮氏縣耿鄉是趙衰

為原大夫系本云成季徙原宋忠云今鴈門原平縣太子母穆嬴晉景公成

之子名據更立襄公曾孫周是為悼公徐廣云年表云襄公孫也晉系家襄公少

子名周生景叔系本云景叔名成公孫支與子與二子秦大夫公孫支子桑范

魁之西范魁地名不知所在蓋趙地胄女孟姚即姓嬴吳廣之女姚姓孟字也七代孫武

靈王也 吾有所見子晰也 簡子見當道者乃寤曰嘻是吾前夢所見知其名曰子晰者

籍秦

據系本晉大夫籍游之孫籍談之子

范氏

系本云范氏晉大夫隰叔之子士蒍之後蒍生成伯

黜黜生武子會會生文叔變變生宣叔勾勾生獻子黜黜生吉射

中行氏

系本云晉大夫逝教生桓

伯林父林父生宣伯庚宿庚宿生獻伯偃偃生穆伯吳

具生寅寅本姓荀自荀偃將中軍晉政中軍曰中行因氏

焉元與智伯同祖逝智瑶系本云逝逝生莊子首首生

逝故智氏亦稱荀

智瑶

系本云逝逝生莊子首首生

子盈盈生文子櫟櫟生

宣子申申生智伯瑤

荀櫟

智文

韓不佞子韓簡

子系本

二子

范吉射

中行文子

荀寅

范昭子

范吉射也

昭公

曾孫驕

驕懿公也或作哀公其大父雍即昭公少子號戴子

張孟同

按戰國策作張孟談談者

史遷之父名遷例改為同

代成君子浣立

代成君名周伯魯之子系本云代成子起起即襄子

之子無伯魯非也

治中年

北趙中年在河

襄子弟桓子

系本云襄子子

桓子與此不同

中山武公初立

按中山古鮮虞國姬姓也系本云中山武公居桓桓公徙靈壽

為趙武靈王所滅不言誰之子孫徐廣云中武公西周桓公之子亦無所據蓋未能得其實耳

槍石二

人

槍七羊反槍與石二人名

弟武公立

燕周云系本及說趙語者並無其事蓋別有據

魏獻

榮椽因以為檀臺

劉氏云榮椽蓋地名其中有一高處可以為臺非也按榮椽是良材可為

椽斲飾有光榮所以魏獻之故趙因用之以為檀臺

肅侯

系木名語

子武靈王立

名雍召

公子職為燕王

燕系家無其事蓋是疎也今此云使樂池送之必是憑舊史為說且紀年之書

其說又同則裴駟孟姚也孟姚吳廣女也廣舜之後故上文云余思虞舜之勲故命

其胄女孟姚以配而七代之孫是已然舜後封虞在河

東太陽山西上虞城是亦曰吳城虞吳音相近故舜後

伯虞仲之裔錯臂錯臂亦文身謂以丹青錯畫其臂孔衍作右臂左衽謂右袒其臂也

使紕謁之叔為甌越之人劉氏云今珠崖儋耳謂之甌人是甌越三胡林

樓煩東胡是三胡也且服奇者志淫按鄒魯好長纓是奇服非其志皆淫僻也而有孔門顏冉

之屬豈是俗僻者人易言方俗僻處山谷而人皆改易不通大化則是吳越無秀士何

得有延州來及至寧葭一作蔓葭縣名在中山而籍之籍錄也謂當時即記

錄書之於籍二十五年惠后卒按謂武靈之前后太子章之母惠文王之嫡母也惠后卒

後吳娃始當正室至孝成二年稱惠文后卒是也  
而下文又云孟姚卒後何寵衰欲并立亦誤也  
主父

開之

開謂開門而納之俗本亦作開字者非也  
也燕周及孔衍皆作開之開謂之藏也

探爵驚而

食之

按曹大家云驚雀子也生受哺者謂之驚

梗陽

地理志云太原榆次有梗陽鄉與杜預所據小

別十四年樂毅將趙秦韓魏燕攻齊

按年表及韓魏等系家五國攻齊在

明年然此下文十五年重擊齊是此文為得蓋此年同伐齊耳

老婦恃輦而行耳

按東晉云

趙惠文王何者吳廣之甥娃嬴之子也如系家計之則武靈王十六年夢吳娃而納之至二十七年王薨及惠

文三十二年卒考成王元年遣長安君若娃年二十八王宮至此亦年六十左側亦可稱老而求廣微言太后

纔三十有奇者誤也

信期曰

即下文高信也

公主死

蓋吳娃女惠文王之姊

以德與



國

與國趙也秦趙今為與國秦徵兵韓師上佼佼猶行也燕

周

趙人為趙將歐代東胡叛趙駭略燕相公孫操弑其王按

資云其王即惠王也子義聞之子義趙之賢人長安君孔衍云惠文后之少子也趙亦有長

安今其地關趙上黨亦然信梁秦將太子死趙之太子也史失名趙亦有長徒父趙大棋出

夫名積芻藁之處為火所燒尉文蓋地名或曰尉官文名謂以尉以尉文相國尉文蓋地名或曰尉官文名謂以尉

文所食之地以封廉頗栗腹卿秦二人皆燕十四年平

原君趙勝死按年表在十五年也趙與燕易音亦謂與燕幽繆王

遷徐廣云系本年表及古史考皆云今王遷無謚今唯此獨稱幽繆王者蓋秦滅趙之後人臣竊追謚之太

史記索隱

史公或別有所見  
故得而記之耳

魏系家第十四

畢公高與周同姓

左傳富辰說文王之子十六國有畢原邠豐言畢公是文王之子此云與

周同姓似不用左氏之說

卜偃曰

晉掌卜大夫郭偃也

生魏武子

馬融亦云畢毛文王庶子  
左傳武子名犇系本云畢萬生芒季芒季生武仲州州與犇聲相近字異耳代亦不同

生悼子徙

治霍

系本云武仲生莊子絳無悼子又系本居篇曰魏武子居魏悼子徙霍宋忠曰霍今河東彘縣也則

是有悼子系本鄉大夫代自生魏絳諡昭子系本云莊脫耳然魏今河北魏縣是也

曰昭子徙安邑亦與此文同也

繆辱楊子

左傳曰戮楊干之僕

生魏嬴嬴生獻子

系本

云獻子名茶茶莊  
子之子無魏廐

獻子生魏侈

侈他本亦作哆蓋哆字誤而代數錯也按系本

獻子生簡子取取生襄子多而左傳云魏  
曼多是也則侈是襄子中間少簡子一代

魏侈之孫曰

魏桓子

系本云襄子生桓子駒

桓子之孫曰文侯都

系本云桓子生文侯斯其

傳云孺子瘳是魏駒之  
子與此系代亦不同也

趙簡子

趙鞅

中行文子

荀寅

范獻子

范吉射

韓康子

名康

趙襄子

名無恤

智伯

智瑤也本姓荀亦曰荀瑤

韓武子

系本武子名啟章康子子

子擊生子瑩

乙耕反擊武侯也瑩惠王也

河內

按大河在鄴東

故名鄴

三十五年秦復侵我陰晉

按年表作齊侵陰晉秦本紀云惠王六年

魏納陰晉更名曰寧秦  
徐氏云今之華陰也

三十八年秦敗我武下得其將

識識將名也文侯卒三十八年卒紀年云五十年卒武侯元年趙敬侯

初立按紀年魏武侯之元年當趙列侯之十四年不同也又系本敬侯名章二年城安邑

王垣按紀年十四年城洛陽及安邑王垣徐廣云垣縣在王屋山故曰王垣翟敗我于澮

古外反于澮於澮水之側齊威王初立按紀年齊幽公之十八年而威王立十六年武

侯卒按紀年武侯二十六年卒公孫頎音祈韓懿侯哀侯之子趙成侯系本云成

種侯名子瑩與公子緩爭為太子按紀年武侯元年封公子緩趙侯種韓懿侯代

我取蔡而惠王伐趙圍濁陽七年公故曰君終無適子

子瑗如邯鄲以作難是說此事矣此蓋古人之言及三年齊敗我觀津田完系家云敗魏於濁津而圍惠王

俗說故云故曰

惠王請獻  
觀以和解

六年伐取宋儀臺

按年表作義臺然義臺見莊子司馬彪亦曰臺名郭

象云義

中山君相魏

按魏文侯滅中山其弟守之後尋復國至是始令相魏其中山後又

為趙所滅

十五年魯衛宋鄭來朝

按紀年魯恭侯宋桓侯衛成侯鄭釐侯來朝皆在十

四年是也鄭釐侯者韓昭侯也韓哀侯滅鄭而徙都之改號曰鄭

三十年與齊人戰敗

於馬陵

徐廣曰在元城按紀年二十八年與齊田盼戰于馬陵上二年魏敗韓馬陵十八年趙又敗魏

桂陵與馬陵異處

三十一年秦趙齊共伐我

按紀年二十九年五月齊田盼伐我

東鄙九月秦衛鞅伐我西鄙十月邯鄲伐我北鄙王攻衛鞅我師敗績是也然言二十九年不同

於是

徙大梁

紀年以為惠王九年蓋誤也

三十六年惠王卒

按紀年惠成王三十六年

改元稱一  
年未卒也

子襄王立

系本襄王名嗣

子哀王立

按系本襄王生昭王無哀王蓋

脫一代耳而紀年說惠成王三十六年又稱後元一十

七年卒今此文分惠王之歷以為二王之年又有哀王

凡二十二年紀事甚明蓋無足疑而孔衍叙魏語亦有

哀王蓋紀年之作失哀王之代故分襄王之年為惠王

後元即以襄王之

櫟里子

秦昭王弟疾居櫟里因號焉

犀首

犀首官名即公

孫岸門

徐廣云潁陰有岸門亭劉氏云河東皮氏縣有岸頭亭也

六年秦求立公子

政

魏公

八年伐衛

紀年云八年翟章伐衛

昭魚

昭奚恤也

薛公

田文也

魏

章

章為魏將後又相秦

太子之自相

太子即襄王也

陽晉封陵

紀年作晉陽封谷

二十三年哀王卒

按汲冢紀年終於哀王二十三年喪畢始稱元年耳

子昭

王立

系本昭王名邀

芒卯以詐重

謂卯以智詐見重於魏

子安釐王立

系本

安僖王名園

鄭丘

七絲反又音妻

中旗馮琴

按戰國策作推琴者春秋後語作伏琴而韓子

作推琴說苑作伏瑟文各不同

願王之勿易也

以政反

唐睢

七餘反

足以為

與也

與謂許與為親而結和也

騎危

上音奇危棟上也禮云中屋履危蓋昇屋以避兵

與大

梁鄴

戰國策鄴作鄴字為得

是復闕與之事

復音扶富反謂前年秦韓相攻闕與而趙

晉破秦軍

道涉谷

道猶行也涉谷是往楚之險路從秦向楚有兩道涉谷是西道河內是東道

津

在河北音九毀反

所攻甚難

攻亦作致戰國策見作致軍言致軍糧難也

邢丘城

按戰國策云邢丘安城此少安字耳

河內共汲

汲亦作波波汲皆縣名俱屬河內

聽使平

聲下去聲從林鄉軍劉氏云林地名蓋春秋時鄭地之柴五

入園中園即園田園田鄭數屬魏徐廣文臺文臺臺名列士

傳曰隱陵君垂都焚垂地名有廟曰異日從之不成也

施酒文臺也從音足秦撓之以講撓音尼孝反謂韓被秦之兵撓識

亡不聽識猶知也故戰國策故臣願以從事從音足松

信而事王也戰國策亦然趙挾韓之質言韓以質子入趙則韓必効

之効猶致也謂致或為增謂秦王按戰國策作蘇秦公

孫喜戰國策作太子增立是為景湣王系本云安釐王



說者皆曰魏以不用信陵云云雖得阿衡之徒曷益乎

按燕周曰以予所聞所謂天之亡者有賢而不用也如用之何有亡哉使紂用三仁周不能王況秦虎狼乎

### 韓系家第十五

韓之先與周同姓

按左氏傳云邾晉應韓武之穆是武子之子故詩稱韓侯出祖是有韓而

先滅今據此文云其後裔事晉封于韓原曰韓武子則武子本是韓侯之後晉又封之於韓原即今之馮翊韓城是也然按系本及左傳舊說皆謂韓萬是曲沃桓叔之子即是晉之支庶又國語叔向謂韓宣子能修武子之德起再拜謝曰自桓叔已下嘉吾子之賜亦言桓叔是韓之祖也今以韓侯之後別有桓叔非關曲沃之桓叔如此則與太史武子後三世

系本云萬生賦伯賦伯生定伯簡簡生與與生

獻子

宣子徙居州

宣子名起州今在河內是也

貞子徙平陽

系本作平子名

須宣子子也又云景子居平陽平陽在山西宋忠曰今河東平陽縣

簡子代

徐廣云史記多無簡子莊

子而云貞子生康子班氏亦同按系本有簡子名不信莊子名庚趙系家亦有簡子名不佞

康子名虎

武子

名啟章

子景侯立

紀年及系本皆作景子名處

子列侯取立

系本作武

侯列侯三年聶政殺韓相俠累

戰國策作殺韓傀高誘曰韓傀俠侯累也

列

侯子文侯立

按紀年無文侯系本無列侯

哀侯二年滅鄭

按紀年魏武侯二十

一年韓滅鄭哀侯入于鄭二十二年晉桓公邑哀侯于鄭是韓既徙都因改號曰鄭故戰國策謂韓惠王曰鄭

惠王猶魏徙大梁稱梁王然也

六年韓嚴弒其君哀侯而懿侯立

按年表懿

侯作莊侯又紀年云晉桓公邑哀侯于鄭韓山堅賊其  
君哀侯而立韓若山若山即懿侯也則韓嚴為韓山堅  
也而戰國策又有韓仲韓姬弑其君悼公紀年姬亦作  
玆音羊之

子名遂又恐是韓嚴也反姬是韓大夫而王劭  
亦云不知悼公何君也二十六年昭侯卒按紀年鄭昭  
侯武甕次威

侯立威侯七年與邯鄲圍襄陵五月梁惠王會威侯于  
巫沙十月鄭宣王朝梁不見威侯之卒下敗韓舉在威  
侯八年而此系家即以為宣惠王之年又上有殺悼公  
悼公又不知是誰之謚則韓微小國史失代系故此文  
及系本不同蓋八年魏敗我將韓舉韓舉則是韓將不  
疑而紀年云韓舉

亦不可復考趙將蓋舉先為趙將後入韓又紀年  
云其敗當韓威王八年是不同也敗我修魚地名韓將

鯨申差鯨申差二將鯨  
音瘦亦作鯨公仲韓相國一易二之計一謂  
名都

也二謂使不伐韓而又與之伐楚也警公仲之行警戒也戰將西購於秦

戰國策作講講亦韓不能聽我言韓王信楚之救雖不

謀議與購求意通韓不能聽我言韓王信楚之救雖不

秦猶德韓之德王也必不鴈行以來言韓以楚必救已

於楚也德於王故不為鴈行而以楚殉韓殉從死也言止公仲

來言不同心旅進也以楚殉韓殉從死也言止公仲

之行止不令丹陽故楚都在方城之外方城楚之北境

也殆不合矣殆不合以到之到欺也猶俗云張到然楚

陰得秦之不用也言楚陰知秦不為公用昭魚戰國策

言收璽劉氏云詐言昭魚來秦欲得芊戎芊姓戎名

秦官之印璽收即取之義也芊戎秦宣太后

弟號新成君

公叔伯嬰

按戰國策公叔伯嬰與蟊蟲及公子咎竝是襄王子然伯嬰即太子嬰嬰

前死故咎與蟊蟲又爭立此取戰國策說伯嬰未立之前亦與蟊蟲爭立故事重而文到也

為韓求

質子

令韓求楚更以別人為質以替蟊蟲也

楚王聽入質子於韓

質子蟊蟲也

公又為秦求質子於楚

今芊戎教秦於楚索韓所送質子今入之於秦也

陳筮

徐廣

云一作荃戰國策作田荃

### 田敬仲完系家第十六

陳厲公他

音徒何反此系家以他為厲公而左傳厲公名躍茲他是厲公之兄未踰年無諡今此云厲公他非

也他一名五父故經云蔡人殺陳他傳又云蔡人殺五

史記索隱

史記索隱

十

父是敬仲生穉孟夷系本作夷孟思蓋孟夷生湑孟莊

也系本作注一作芷昌改以陳字為田氏據如此云敬仲

字聲相近遂以為田氏應劭云始食萊於田則田是地名未詳其處藥逞音盈史記國惠

子名高昭子名荼音舒又橐中音託橐中謂御鞅官

也鞅名也亦監止上音如字又音苦姬乎采芑言姬之

田氏之族皆歸入於田成子以子我者監止之宗人也按齊系家

刺齊國之政將歸陳賈逵云即監止也尋其文意當需事之賊上音須需者

是監止今云宗人蓋太史誤也疑也疑必致襄子盤徐廣云一

難故云事徐州音舒徐州齊邑薛縣襄子盤作暨音許

之賊也是也非九州之徐

既反系本作班

莊子曰

系本名伯

自安平以東

按司馬彪郡國志北海東安平六國時曰

安平則徐廣云在北海是

成子有七十餘男

按鮑昱云陳成子有數十婦生男百餘人與此

亦異然譙允南按春秋陳恒為人雖志大負殺君之名至於行事亦修整故能自保固非苟為禽獸之行夫成

事在德雖有姦子七十祇以長亂事豈然哉言其非實也

莊子卒子太公和立

按紀年齊

宣公十五年田莊子卒明年立田悼子卒乃次立田和是莊子後有悼子蓋立年無幾所以作系本及記史者

不得錄也而莊周及鬼谷子亦云田成子殺齊君十二代而有齊國今據系本系家自成子至王建之滅唯祇

十代若如紀年則悼子及侯剌即有十二代乃與莊子鬼谷說同明紀年亦非妄

宣公五十一

年田會自廩丘反

紀年宣公五十一年公孫會以廩丘叛於趙十二月宣公薨於周正為明

年二 康公貸立

音土代反

注伐魯取最

音祖外反

伐衛取母

母音貫古

國名衛之邑今作母者字殘缺耳

與魏文侯會濁澤

徐廣云康公十六年蓋依年表為說

而不省此上文貸立十四年又云明年會平陸又三年會濁澤則是十八年表及此注竝誤也

太公和

卒子桓公午立

紀年齊康公五年田侯午生二十二年田侯剡立後十年齊田午弒其君及孺

子喜而為公春秋後傳亦云田午弒田侯及其孺子喜而兼齊是為桓侯與此系家不同也

段干朋

段干姓朋名也戰國策作段干綸

田臣思

戰國策作田期思紀年謂之徐州子期蓋即田忌也

桓

公午五年秦魏攻韓求救於齊齊桓公召大臣而謀

謂

忌段干朋如戰國策威王二十六年邯鄲之役有此謀臣耳又南梁之難在宣王二年有駒子田忌孫臏之謀



戰國策又有張田其辭前後交互是記史者所取名異故不同耳

六年救衛桓公卒

按紀

年梁惠王十二年當齊桓公十八年後威王始見則桓公十九年而卒與此不同

大弦濁以溫

者君也

按春秋後語溫字作春春氣溫義亦相通也蔡邕曰凡絃以緩急為清濁琴緊其弦則清緩其

絃則濁

醪之愉

上音釋與下文舍字竝同愉音舒也

得全全昌

按得全謂人臣事君之禮

全具無失故云得全也全昌者謂若無失則身名獲昌故云全昌也

謹毋離前

謂佩服此言常無離

心目

狝膏棘軸

狝膏猪脂也棘軸以棘木為車軸至滑而堅也然而穿孔若方則不能運轉言

逆理反經也故下忌曰請謹事左右言每事須順從

弓膠昔幹

音孤捍反昔久舊也幹弓幹也徐廣

又曰一作乾考工記作枅幹則枅昔音相近言作弓之法以膠被昔幹而納諸槩中則是以勢全合耳

而

不能傅合疏罅

傅音附罅音五嫁反以言膠幹可以勢暫合而久亦不能常傅合於疏罅隙縫

以言人臣自宜彌縫得所豈待拘以禮制法式哉故下云請自附於萬人是也

大車不較

較者枝量

也言有常制若大車不較則車不能載常任琴不能成五音也

魏王問曰王亦有寶乎

威王曰有

按韓嬰詩外傳以為齊宣王其說異也

檀子者

檀子齊臣檀姓子美稱大夫皆

稱子盼子田盼也黔夫及種首皆臣名事悉具戰國策也

泗上十二諸侯

邾莒宋魯之比孫

子

孫臏也

敗魏桂陵

在威王二十六年

破魏馬陵

在宣王二年

殺其大

夫年辛

年辛大夫姓字也徐廣曰一作夫人按年表亦作夫人字王劭按紀年云齊桓公十一年殺其

君母宣王八年殺王后然則夫人之字或如紀年之說

三十五年公孫閱

戰國策作公孫

閔謂成侯鄒忌曰云云田忌聞之因率其徒攻臨淄求成

侯不勝而奔

按戰國策田忌前敗魏於馬陵因被構不得入齊非是居齊歷十年乃出奔也是時

齊都臨淄且孟嘗列傳云田忌襲齊之邊邑其言為得即與系家不同也戰於南梁晉太康地理記

曰戰國謂梁為南梁者宣王二年戰南梁王召騶忌子

別之於大梁少梁也按紀年威王十四年田盼伐梁戰馬陵戰國策南梁之

難有張田對曰早救之此云鄒忌者王劭云此時鄒忌死已四年又齊威時未稱王故戰國策謂之田明年梁

侯今此以田侯為宣王又橫稱騶忌皆謬矣

惠王卒按紀年梁惠王乃是齊湣王為東帝秦昭王為西帝時此時梁惠王改元稱一年未卒也而系家以其後即為魏襄王之年又以齊稷下學士復盛劉

此文當齊宣王時實所不能詳考

別錄曰齊有稷門齊城門也談說之士期會於其下齊地記曰齊城西門側系水左右有講室趾往往存焉蓋

因側系水出故曰稷門古側稷音相近耳又虞喜曰齊有稷山立館其下以待游士亦異說也春秋傳曰莒子

如齊盟于稷門湣王地名遂寡人弗能拔能猶勝也言不勝其

逐張儀也逐隨搏三國之兵也徐作專亦通三川也韓公

令楚王執左券也券要也左不正也言我宋治不安

戰國策作結軼軼音姪軼者車轍也言車轍宋地不安結軼往還如結也戰國策作結鞅淖齒淖音

反周子蓋齊之謀臣史失名也戰國策以周子為蘇秦而楚字皆作燕然此時蘇秦死已久矣住

建共者客耶音邪謂是建客邪客說建住言遂用客之

乃失策今建遷共共今在河內也

不詳也

謂不詳審用客不知其善否也

比犯二君

比如字又頻律反二君即悼公簡公也僖

子廢晏孺子鮑收以乞故殺悼公而成子又殺簡公故云田氏比犯二君也

史記索隱卷十三

欽定四庫全書

史記索隱卷十四

唐司馬貞撰

孔子系家第十七

古教化之主吾之師也為帝王之儀表示人倫之準的自子思以下代有

哲人繼世象賢誠可仰同列國前史既定吾無間然矣又孔子非有諸侯之位而亦稱系家者以是聖人為教化之主又代有賢哲故稱系家焉

昌平鄉陬邑

陬是邑名昌平鄉號孔子居魯之鄒邑昌平鄉之闕里也防叔家語孔

子之後宋襄公生弗父何以讓弟厲公弗父周周生世子勝勝生正考父考父生孔父嘉五世親盡別為公族

姓孔父生子木金父金父生畢夷生防叔  
畏華氏之逼而奔魯故孔氏為魯人也  
野合而生孔

子

家語云梁紇娶魯之施氏生九女其妾生孟皮孟皮  
病足乃求婚于顏氏徵在從父命為婚其文甚明今

此云野合者蓋謂梁紇老而徵在少非當壯室初笄之  
禮故云野合謂不合禮儀故論語云野哉由也又先進

於禮樂野人也皆言

襄公二十二年

公羊傳襄公三十

野者是不合禮耳

子孔子生今以為二十二年蓋以周正十一月屬明  
年故誤也後序孔子卒云七十二歲每少一歲也  
圻

頂

圻音鳥頂音鼎圻頂言頂上竅也故孔子頂如  
反字反字者若屋宇之反中低而四傍高也  
叔梁

紇死

家語云生三

疑其父墓處

謂孔子少孤不的知父  
墳處非謂不知其塋地

徵在笄年適於梁紇無幾而老死是少寡蓋以為  
嫌不從送葬故不知墳處遂不告耳非諱之也  
五父



之衢

謂孔子不知父墓乃且殯其要經家語孔子之母

非之也今此謂孔子實要經與饗為陽虎所紕亦近誣矣一作要經要經猶帶經也故劉氏云嗜學之意是也

孟釐子病

昭公七年左傳云孟僖子病不能相禮乃講學之及其將死召大夫云云按謂病者不能

禮為病非疾困之謂也至二十四年僖子卒賈逵云仲尼時年三十五矣是此文誤也

南宮敬叔

左傳及系本敬叔與懿子皆孟僖子之子不應更言魯人亦太史公之疎耳

為季氏史

有本作委

吏按趙岐曰委吏主委積倉庫之吏

適周

莊子云孔子年五十一南見老聃蓋系家亦依此為說而不究

其旨遂俱誤也何者孔子適周豈訪禮之時即在十七耶且孔子見老聃云甚矣道之難行也此非十七之人

語也乃既仕之後言耳

送人以財

莊周財作軒

為人子者毋以有已

家語

作無以有己家語作無以惡己為人臣  
為人子者者王肅云言聽則仕不用

則去保身全家語無此一句孟子  
行臣之節也起纍紲之中以為不然之言也學之三月按論

語子語魯太史樂非齊太史也又子在齊聞韶三月不知肉  
味無學之文今此合論語齊魯兩文而為此言恐失事實

將欲以尼谿田封孔子此說出晏子及墨子其文微異大賢之息息者生也言上古大

賢生則有禮樂至周劉氏奉音扶用反非也今  
室微而始缺有間也奉子以季氏奉音如字謂奉待孔子如

魯季氏之職故下文云家語云桓子穿井于費  
以季孟之間待之也土缶中若羊得物如土缶其中有羊

馬是家語作翹翹注夔一足越人為之山繅繅音

騷然山繅獨一足是山神名故音木  
謂之夔夔一足獸狀如人也注沐腫音木隳會稽會稽山名

越之所都隳毀也吳

釐姓

釐音僖家語云姓漆蓋誤系本無漆姓

公山不

狃

狃音女久反鄒氏云一作蹂論語作弗擾

使人召孔子

檢家語及孔氏之書並無此言故桓

譚亦以

四方皆則之

東家語作西方王肅云魯國近故西方諸侯皆取法則焉

及齊

平

及與也平成也謂與齊和好故云平

鼓噪

公家語作萊人以兵鼓噪劫定公被音弗謂舞者所執故周

禮譟有被舞撥音代謂大柎也

歷階

謂歷階級也故王肅云歷階登階不聚足

熒惑

謂經營而惑亂

也家語

汶陽

左傳鄭驪及龜陰之田則三田皆在汶陽也

皆子之以歸

家語作皆

如舞康樂

家語作容璣王肅云舞曲名也

周道游

謂請魯君為周徧道路游行因出觀齊之

女屯名濁鄒家

孟子曰孔子於衛主顏讐由彌子之妻與子路之妻兄弟也今此云濁鄒是子

路之妻兄

六萬

若六萬石似太多當是六萬斗亦與漢之秩祿不同

一出入

謂

兵仗出入以

由彼缺也

謂昔所被攻缺破之處也

匡人

匡宋邑也家語云匡人簡

子以甲士

然後得去

家語子路彈劍而歌孔子之和之曲三終匡人解圍而去今此取論語

文王既沒之文及從者臣甯武子然後得去蓋夫子再厄匡人或設辭以解圍或彈劍而釋難今此合論語家

語之文以為一事故彼此文交互耳

吾鄉為弗見見之禮答焉

上見如字下見音賢

徧反去聲言我不為相見之禮現而答之

招搖市過之

家語作遊過市

或謂子貢曰

家語姑布子

其願似堯

家語云河目而隆顏其願似堯

陳潛公

家語國語皆作

陳惠公非也按惠公以魯昭元年立定四年卒又按系家潛公十六年孔子適陳十三年亦在陳則此潛公為

是

寧關而死

家語云我寧關死挺劍而合衆將與之戰蒲人懼是也

西河

此西河在衛也

非魏之西河也

中年

此河北之中年蓋在漢陽西

師襄子

家語師襄子曰雖以擊鼓為實能於

琴蓋師襄子魯人論語謂之擊磬襄是也

幾然而長

幾與注頤竝音祈家語無此四字

望羊

王肅云望羊望羊視也

竇鳴犢舜華

家語及聞趙簡子殺竇犢鳴犢及舜華國語云鳴鐸竇犢

則竇犢字鳴犢聲轉字異或作鳴鐸慶華當作舜華諸說皆同

蛟龍

有角曰蛟龍龍能興雲致雨調和陰

陽之

阪操

此阪鄉非魯之阪邑家語云作槃操也

孔子遂行

此魯哀

歸乎

歸乎

此系家再有歸與之辭者前辭出孟子此辭見論語蓋止是一稱歸與二書各記之今前後再引亦

失之社地七百里

古者二十五家為里里則各立社則書社者書其社之人名於籍蓋以七

百里書社之人封孔子也故下冉徵百牢此哀七年時也百牢牢具

求云雖累千社而夫子不利是也也百牢牢具

一百也周禮上公九牢侯伯七牢子男五牢今吳徵百牢夷不識禮故也子貢對以周禮而後吳亡是懲也

注去吳會繒已四年徐說去會四年是也按左傳及此文孔子是時在衛歸魯不見有在

陳之文在陳當哀公之初蓋年表誤爾凡十四歲而反乎魯前文孔子以

去魯計至此十二年魯系家云定公十二年孔子去魯則首尾計十五年矣

季康子問政子曰政者正也又哀公問曰何為則民服子曰舉直錯諸枉則民服今此初論康子問政未合以

孔子答哀公使民服蓋太史恂恂有本作恂恂辯辯論語

公撮略論語為文而失事實音七旬反

作便車子鉏商春秋傳及家語並云車子鉏商而服虔以子為姓非也今以車子為主車車士

微者之人也人微故略其姓則子非姓也

據魯親周

言夫子修春秋以魯為主故云據魯親周蓋孔

子之時周雖微而親周王

孔子年七十三

若孔子以魯襄二十一年

生至哀十六年為七十三若襄二十二年生則孔子年七十二經傳生年不定致使孔子壽數不明

失禮

為昏失所為僂

左傳及家語皆云失志為昏失禮為僂與此不同也

雒離

各離二音又音

落藜藜是草名也

冕檀

上音譏冕檀檀樹之別種

安貴五味

安貴香名出西域五味藥草也

相訣而去

訣音決訣者別也

子贛廬於家上

按家語無上字且禮云適墓不登隴

豈合廬於家上乎蓋上者亦是邊側之義

弟子內後世因廟藏孔子衣冠

孔謂

子所居之堂其弟子之中孔子沒後後代因廟藏夫子平生衣冠琴書於壽堂中

孔子生鯉

按家

語孔子年十九娶於宋之笄官氏之女一歲而生伯魚伯魚之生魯昭公使人遺之鯉魚夫子榮君之賜因以名其子也余祇迴留之不能祇敬也言祇敬遲回不能去言六

藝者折中於夫子

離騷云明五帝以折中王帥叔云折中也正也宋均云折斷也中當也按

言欲折斷其物而用之與度相中當故以言其折中也

陳涉系家第十八

按勝立數月而死無後亦稱系家者以其所遣王侯將相竟滅秦以其首

也事

陽城

韋昭云屬潁川地理志云屬汝南不同者按郡縣之名隨代分割蓋陽城屬汝南史遷云今為汝

陰後又分隸潁川韋昭據以為說故其不同他皆倣此

陽夏

夏音賈韋昭云淮陽縣後屬陳

傭耕



廣雅云傭役也按謂役力而受雇直也

鴻鵠之志哉

尸子曰鴻鵠之驚羽翼未合而有四海之

心是按鴻鵠是一鳥若鳳凰然非謂鴻鴈與黃鵠也鵠音戶酷反

發閭左

閭左謂居閭里之左也秦

時復除者居閭左今力役凡在閭左者盡發之也又云凡居以富強為右貧弱為左秦役成多富者役盡兼取

貧弱者也

適戍漁陽

適音直革反又音磔故漢書有七科適戍者屯兵而守也地理志漁陽縣名在

漁陽郡也

等死死國

謂欲經營圖國假使不成而敗猶勝為戍卒而死也

二世少子

姚氏

按隱士遺章即書云李斯云二世廢十七兄而立今王則二世即是始皇第十八子

未知其死也

如淳云扶蘇自殺故人不知其死或以不知何坐而死故天下冤二世殺之其意亦得今宜依文而解直是扶

蘇為二世所殺而百姓未知故欲詐自稱之也

為天下唱

漢書作倡倡謂先也說文云倡首也乃

行卜

行者先也一云行往也

卜之鬼乎

裴注引蘇林臣瓚義亦當矣而李奇又云卜者戒曰

所卜事雖成當死為鬼惡指斥言之而勝失其旨反依鬼神起怪益亦得本旨也

念鬼

念者思也謂思

念欲假鬼神事耳

又問令

服虔云問音中間之間鄭氏云間謂竊令人行也孔文祥又云竊伺間隙

不欲令衆知之也

次所旁叢祠

次師所次舍處也墨子云建國必擇木之修茂者以為叢位高

誘注戰國策云叢神祠也叢樹也

夜篝火

篝音溝漢書作構郭璞云篝籠也

將尉

官也漢舊

儀大縣二人其尉將屯九百人故云將尉也

劍挺

徐廣云挺奪也按奪即脫也說文云挺拔也按謂尉

拔劍而廣因奪之故得殺尉

藉第令無斬

蘇林云藉第假借且令失期不斬則戍死者固十七

八然第一音次第之第又小顏云第但也劉氏云藉音子夜反應助讀如字云藉吏士之名藉也各以意言蘇

說為近大名謂大舉大名大名謂大攻蕲音機又音祈下下

以兵臨而符離韋昭云徇蕲李音云徇略至陳地理志

陽郡守令皆不在張晏云郡守及令皆不在非也按地

止是縣言守令則守非官也與譙門中蓋謂陳縣之城

曰譙門中非上譙縣之門張楚按李奇云欲張大至東

城地理志三川守三川今洛陽也有伊洛河故曰三

子房君蔡賜為上柱國房邑也爵之於房號曰房君蔡

國房君者蓋誤耳涉始號楚因楚有相國之官人奴產子

故以官蔡賜蓋其時草創亦未置相國之官人奴產子

生

按漢書無生字小顏云猶今言家產奴也

次曹陽

晉灼云亭名也在弘農東十二里小顏云曹水

之陽也其水出陝縣西南峴頭山北流入河魏武帝謂之好陽

周文自到

越系家句踐使罪人三行

屬劍於到曰不敢逃刑乃自到郭璞注三蒼以為到刺也

趣趙兵

上音促促謂催促也

亟入關

亟音棘亟急也

寧陵君

晉灼云今在梁國也按今梁國有寧陵縣是也字轉異耳

少遺兵

按

謂留餘也陽城人鄧說

地理志陽城縣屬潁川說音悅凡人名皆音悅

將兵居郟

音

東海之縣名非也按章邯軍此時未至東海此郟別是地名或恐刻當作郟郟是郟郟之地或見下有東海郟

誤鉅人伍徐

地理志鉅縣屬沛伍徐漢書作伍逢也

取慮人

地理志縣名屬臨淮音秋

間二音取又音子史反

臘月

臣瓚云建丑之月也顏游秦云按史記表二世二年十月誅葛嬰十一月

周文死十二月陳涉死是也宗稟荆楚記還至下城父

云臘節在十二月故因是謂之臘月也  
按舊以陳王從汝陰還至城父縣因降之故云還至下城父又顧氏按郡國志山乘縣有下城父聚在城父縣東下讀如字  
其說為得之  
涓人音公玄反服虔云給倉頭軍韋昭云

青以陳為楚如字讀謂又秦左右校尉即左右自辯

數一音疎主反謂自辯說數與涉有故舊事驗也又音朔數謂自辯往數與涉有故此數猶朋友數之數也

夥頤涉之為王服虔云楚人謂多為夥按又言頤者助聲之辭也謂涉為王宮殿帷帳庶物夥

多驚而偉之沈沈者應劭曰以為沈沈宮室深邃貌故故稱夥頤也音長含反而劉伯莊以沈沈猶談

談謂故人呼為沈沈者故人皆自引去顏氏引孔叢云猶俗云謂談談漢是

父兄往焉勝以衆賓待之妻父怒云怙強而  
傲長者不能久焉不辭而去是其事類也 輒自治之

謂吳房朱武等以素所不善者即自驗問不往下吏 褚先生曰 徐廣與裴駙據所

善者即自驗問不往下吏 褚先生曰 徐廣與裴駙據所  
事皆云合作太史公今據此是褚先生述史記加此贊  
首地形險阻數句之言然後始稱賈生之言因即改太

史公之目而自題已位號也已 仰關 仰字亦作卽並音  
下義並已見始皇之本紀訖 仰關 仰謂秦地形高故

並仰向關門而攻秦 九國之師 九國者謂六國之  
亦有作叩字非也 外更有宋衛中山 流血

漂櫓 說文云櫓大楫也 執敲扑 臣瓚云短曰  
貫弓 音烏蠻反又 如字貫謂上

弦金人十二 各重千石坐高 而誰呵 音何亦何字猶  
也 二丈號曰翁仲 今巡更問何誰 仟

伯之中 謂在千人百人之長也音千百如 鉏耰棘矜 鉏  
淳云時皆屈在仟陌之中陌音陌 耰

謂鉏木也論語曰耰而不耨是也棘戟也矜柄也音勤

鄉時之士

上音香亮反鄉時猶往時也謂

孟嘗信陵蘇秦陳軫之比也

度長絜大

絜音下結反謂如結束知其大小也

抑八州

謂秦

強而抑八州使朝已也漢書作招八州亦通也

仁心不施

式豉反言秦虎狼之國其仁心不施及於

天下故亡也

外戚系家第十九

外戚紀后妃也后族亦代有封爵故也漢書則編之列傳之中王隱則謂

之為紀而在列傳之首也

繼體守文

按繼體謂非創業之主而是嫡子繼先帝之正體而立者也守文者猶法也謂非受命創

制之君但守先帝法度為之主耳

非獨內德茂

按謂非獨君德於內茂盛而亦有賢后妃外戚

欽定四庫全書

之親以塗山韋昭云塗山國名禹所娶在今九江應劭

助教化之女謂之末喜國語桀伐有施有施人以妹喜有娥昭

云契母簡狄有娥國女音蒿旦已國語殷辛伐有蘇氏蘇氏以旦已

包惜云旦已姜原系本云帝嚳上妃有郇氏之女曰姜原

音丁達反大任按毛詩大任文王之母故詩云摯仲寢如國語

王伐有寢寢人以寢如女焉按寢是國名如是其姓即

龍釐之子寢人育而以女於幽王也然此文自夏之興

至寢如皆是魏如耳之譏不親迎按公羊紀裂繻來逆

親迎陰陽之變萬物之統也以言若樂聲調能令四時

也和而陰陽變則能生萬物



是陰陽即夫婦也夫婦道和而能化生萬物萬物人為之本故云萬物之統

妃匹之愛

妃音配又

如君不能得之於臣

以言夫婦親愛之情雖君父之尊而不奪臣子所好愛使移其本意

是不能得也故曰匹夫不可奪志是也

或不能成子姓

按鄭玄注記云姓者生也子姓謂衆

孫也按即趙飛燕等是也

或不能要終

按謂有始不能要其終也以言雖有子姓而意不能要終

如栗姬衛后等皆是也

惡能

上音烏惡猶於何也

呂娥姁

呂后字音沉羽反按漢書呂后名雉

戚夫人

漢書云得定陶戚姬

無恙

爾雅云恙憂也一說古者野居露宿恙噬人蟲也故人相恤云

得無恙乎

孝惠皇后

按皇甫謐云名嬌

居北宮

按宮在未央北故曰北宮魏媼音

鳥老反然媼是婦人之老者通號故趙太后自稱媼及王媼劉媼之屬是也

死山陰因葬焉

顧氏按冢墓記在會稽縣縣西北  
檇山上今猶有北城檇音莊洽反  
河南宮成臯臺按是河南

宮之成臯臺漢書作成臯靈臺西征記  
云武牢城內有高祖殿西南有武庫  
薄昭封為軹侯

按地理志軹縣在河南恐地遠非其封  
也按長安東有軹道亭或當是所封也  
葵南陵按廟記云在霸

陵南十里故謂南陵按今在長安東漣水東東原上名  
曰少陰在霸陵西南故曰東望吾子西望吾夫是也

竇太后

按皇甫謐云名猗房

生女嫫音尼 葵觀津

按摯虞注決錄云竇太后父少

遭秦亂隱身漁釣墜泉而死景帝立太后遣使者填父  
所墜淵起大墳於觀津城南人間號曰竇氏青山也

兄竇長君

按決錄云建字長君

從其家之長安

謂從逐其宜陽之主人家而皆往長

也安與我決於傳舍中

決者別也傳音轉傳舍謂郵亭傳置之舍蓋竇后初入宮時別其弟

於傳舍之中也

丐沐沐我

丐音蓋丐者乞也沐米潘也謂后乞潘為弟沐

廣國為章武

侯

地理志縣名屬渤海

彭祖為南皮侯

地理志縣名屬渤海

竇嬰為魏其侯

地理志縣名屬瑯琊也

公昆弟

按公亦祖也謂皇后同祖之昆弟如竇嬰即皇后之兄子之比亦得

家於長安故劉氏云公昆弟謂廣國等

後景帝六歲

是當武帝建元六年此文是也而漢書作

元光

王太后

按皇甫謐名姥音志

槐里人

按地理志右扶風本名廢丘

與兩女

即后及兒姁也

欲奇兩女

奇者異之也漢書作倚倚者依也

王夫人生男

即武帝也

漢武故事云帝以乙酉年七月七日生於猗蘭殿

兒姁

沉羽反

生四男

謂廣川王越膠東王

寄清河王舜常山王憲也

皆過栗姬

過音戈謂踰之

以故望之

望猶責望謂恨之也心

慊之

音銜銜謂恨也

曰子以母貴

此皆公羊傳文

皇后兄信為蓋侯

地理

志蓋縣屬太山

大行奏事

大行禮官行音銜

封田蚡為武安侯

地理志縣名屬

魏郡勝為周陽侯

地理志縣名屬上郡

次林慮公主

縣名屬河內本名隆慮避殤帝

諱改名林慮慮音廬

武帝祓

蘇林音廢今亦音拂謂祓禊之遊水自潔故曰祓除

凡生三女

按謂諸邑石邑及衛長

一男名據

即庾太子也

皇后姓陳氏

漢武故事云后名阿嬌即長公主嫖女也

祖父嬰堂邑侯傳至父午尚長公主生后 挾婦人媚

道

按漢書云女子楚服等坐為皇后呪詛大逆無道相連誅者三百人乃廢后居長門宮故司馬相如賦云

陳皇后別在長門宮怨悶悲思奉黃金百斤為相如取酒乃為作頌以奏皇后復親幸作頌信有之也復親幸

之恐非實也

衛青封長平侯

地理志縣名屬汝南

冠軍侯

子夫婦少兒之子去病封

也地理志冠軍屬河陽

王夫人

生齊王閔

中山李夫人

生昌邑哀王膊

他姬子

二人

漢書云李姬生廣陵王胥燕王旦也

李夫人

李延年之女弟漢書云帝悼之李少翁致其形

為作賦此史記以為王夫人最寵武帝悼惜新論亦同史記為王夫人

曰嘆

鳥百反蓋驚怪之辭耳

修成子仲

金氏甥修成君之子也而名仲者又與大外祖王氏同字恐非也

一曰陰安

侯

名不疑地理志縣名屬魏郡

二曰發干侯

名登地理志縣名屬東郡

三曰宜春

侯

名伉地理志宜春縣名屬汝南

邢夫人號姪娥

服虔云姪音近劓徐廣音五耕反鄒誕生

音莖字林音五經反說文云姪長也好也許慎云秦晉之間謂好為姪又方言曰美貌謂之娥漢舊儀云姪娥

秩比將軍 **尹婕妤** 韋昭云：婕妤，承好助也。一云：美好也。聲類云：幸也。字亦從女。漢舊儀云：皇后

御史大夫。為婕妤，下與 **姪何秩比中二千石** 按：崔浩云：中猶滿也。禮比丞相也。漢制：九卿已上秩一

歲滿二千斛，又漢官儀云：中二千石俸月百八十斛。 **容華秩比二千石** 按：二千石是郡守之

秩漢官儀云：其俸月百二十斛，又有真二千石者，如淳云：諸侯王相在郡守上，秩真二千石。漢律：真二千石俸

月二萬，按是二萬斗也。則二萬斗亦是二千石也。崔浩云：列卿已上秩石皆正二千石，按此則是真二千石也。

其云中二千石亦不滿二千，蓋千八百耳。此崔氏之說，今兼引而解之。 **鉤弋夫人** 按：夫人姓趙，河

間人。漢書云：武帝過河間，望氣者言：此有奇女，天子乃使使召之。女兩手皆拳，上自披之手，即時伸。由是幸，號

曰拳夫人。後居鉤弋宮，號曰鉤弋夫人。列仙傳云：發手得一玉鉤，故號焉。漢武故事云：宮在直城門南，廟記云。

宮有千門萬戶  
不可記名也  
姓趙氏  
按漢書昭帝即位追尊  
武帝年

七十生昭帝

按徐廣依漢書以武帝年七十崩崩時昭  
帝年八歲此褚先生之記漢書云元始三

年昭帝生誤也按  
元始當為太始

死雲陽宮

按三輔故事云葵甘泉宮  
南後昭帝起雲陵邑三千

戶漢武故事云既殯香聞十里上疑  
非常人發棺視之無尸衣履存焉

## 楚元王系家第二十

高祖之同母少弟

按漢書作同父言同  
父者以明異母也

過巨嫂食

漢書  
作丘

應劭云丘姓也孟康云丘空也兄亡空有嫂也  
今此作巨巨大也謂長嫂也劉氏云巨一作丘  
標釜音

謂以杓歷釜旁使為  
聲漢書作轅音勞

羹頡侯

爵號耳非縣邑名  
以其櫟釜故也

都彭城

漢書云楚王王薛郡東海彭城三十六郡也

子夷王郢立

漢書名郢客

戊坐為薄

太后服私奸

漢書云私奸服舍中姚察云奸於服舍非必宮中又按集註服虔云私奸中人蓋以

罪重故至削郡也

注子延壽立十九年死

按太史公唯記王純為國人告反國除蓋

延壽後更封至十九年又謀反誅死故不同也

遂弟辟疆

音壁強二音又音關墻

燒殺建

德

建德其相名史先失姓也

無刑申公

漢書申公名培王戊胥靡之

趙任防與先

生

此及漢書雖不見趙不用防與公蓋當時猶知事迹或別有所見故太史公明引以結其贊

史記索隱卷十四